

碑

職官

文苑英華

九百二十一至九百三十



文苑英華卷第九百二十一

碑七十八神道三十九

職官二十九刺史三

贈丹州刺史先府君碑一首

括州刺史贈工部尚書馮昭泰碑一首

豫州刺史魏叔瑜碑一首

常州刺史平貞脊碑一首

贈丹州刺史先府君神道碑 張說

府君諱騰字成騰范陽方城人也張祖曰揮帝軒之胤肇

勳弦木賜集作姓上矣詩有卿士孝友史有留侯世家八

葉至東漢司空皓公子字北平太守始居范陽四葉至西

晉司空華公子躔一作散騎常侍乃僑江左昆孫太常復

歸河洛故河東有司空若洛陽有散騎里後司空至府君

十二代不失仁義矣王公諱戈周通道館學士考諱格集作

無祿早世府君執生遺育四代單緒家世尚儒不及伯魚之訓外祖爲理遠讀咎繇之書以明法歷饒陽長子二尉介休主簿洪洞丞以所願乎下事乎上以所願乎上交乎下反身與人何往不順臺選貞白覆囚山南東謂是行有典刑矣昊天不弔年五十二調露元年十二月乙卯捐背於縣廨夫人長樂縣太君馮氏父威藍田丞敬循法度踐涉圖史顧復幼孤將就成立家道不殞夫人是賴享年七十有二傾背於東都康俗里第光珪說不天夙遭閔凶又集恭蓼先王制禮不敢從滅以景龍二年十月己酉安厝於萬安山陽村從周制也惟先君不祿俸不奉親不機杼不資身僚舊無雞黍之接况其非類乎族姻無魚菽之受况其人吏乎是全其高而善其獨也過四十始閱六籍觀詩得之厚觀書得之恒觀樂得之和觀禮得之別觀春秋

得之正觀易得之元曰君子多乎哉事斯一言而已矣每誦道記三復三寶曰至人之心有以垂世又聞之太夫人云吾有子五十載非其疾無一日之憂太夫人亦云吾事夫人三十年耳無忤聲目無暴色先君子之遺世也其憂戀者尊門在殯歟聖善在堂歟我諸孤無日敢忘及王母終養二祖封崇亦尚克家成遺志集作訓矣若夫安親孝也

宜家義也翼子慈也軌迹隱乎含光故當代罕耀聲香發乎潛德故明神終勞先大夫久而益榮歿而不朽蓋此景雲二年天子嘉侍臣之匪躬念前人之蓋德二月乙巳詔曰故官某毓德高邁藏器下僚代載儒雅家傳清白河東佐邑長不欺之風山南覆囚溢無寃之聽徂謝永久丘墳不飾啓茲令胤貞事先朝宜崇追遠之恩以表揚名之志可贈使持節丹州刺史王澤漏乎泉壤國禮崇乎宗廟漢

帝論士恨不見李牧之爲人曾子思親泣無逮楚王之厚
祿道存運往痛矣餘悲緬尋前哲之所以聞無聲於四海
視不見於百代者匪銘頌歟栢麟蔡邕其則不遠嗚呼霜
露交積松檟滋深兄弟永懷相顧將老胡伯虎豈敢掩大
人之清陳麟何足知家君之德小子銜恤非曰能文莫假
辭於他者務傳信於我也銘曰

猗嚴考用玄妙體大和竭高志貞夫一戒其多孝于親正
于家刑于訓清厥心晦厥迹畏厥聞集無寶如何其謙儉

孝集無慈皇哉褒德永世有詞

故括州刺史贈工部尚書馮公神道碑

前人

金之爲寶百鍊而惟精玉之稱德久幽而不昧聖人美焉
君子比焉可鑠也不可奪其剛可毀也不可汚其潔偉哉
馮公秉斯操矣公諱昭泰字遇聖長樂人也說學於古史

豈不聞舅氏之厥初乎畢公建德于周畢萬大名乎集作

魏別封之裔遂氏馮城秦則丞相並特漢則將軍重世積

仁鍾慶王者鬱興間晉南浮因燕北虎家變成國爲天下

雄勲業競五伯之先子孫齊二王之後公即昭成皇帝之

十代孫也高祖大將軍隨州刺史長山公謙以寇恂之才

翊戴周武曾祖兵部尚書左僕射魏國公世基以曹叅之

力經濟隨文大父尚書右集作丞檢校御史大夫少府監

揚州刺史集作史安昌公長命以佳吏之名勤勞皇室考仁

高亮無祿子道不究故幼而襲安昌公焉清明激激標格

峻集作夏翟耿介無矯飾於常絃寒松青冥不受令於

霜雪專經觀與習法精理起家左奉格集作改諱賢

府果毅換文州司馬爲酷吏所陷罷官久之調榮州長史

屬城慢法按而繩之入計會府讐家橫訟明勅杖其愬者

遷公宋州司馬朝廷翕然知有王法復假右臺侍御史江南道廉察使類會高等加朝散大夫進潞州長史堆岸受
端獨醒見嫉轉湖州長史公東濕不回聚蚊交訕集作賤
為饒州司馬未行降使詳覆拜鄂州刺史制曰公志氣剛
勁操履貞潔歷佐藩條咸有聲稱誥奸糺謬不避強禦苦
節清威若凌霜雪頃因讒毀遂有貶降使者按問皎然明
白俾從優獎特加寵命其在江夏異政風行入為太子家
令兼知內外鑄錢事國泉是殷盜鎔乃絕河朔滯雨帝思
作又俾公檢校邢州刺史散有賙無人忘歎歲帝乃璽書
勞焉其旨曰卿忠於事君簡以臨下忘私徇公之美歌謠
所載擒姦擒伏之奇吏人攸仰雖陳朔之貶黜邪慝王業
之斥除貪殘無以加也一郡清靜副朕意焉其後以戚思疑
恩集無累移睦州刺史復為群小所譖左授泉州司馬未之任又
此字

貶榮州司馬公砥節荒服天高聽卑旋除温州長史俄復
舊階拜括州刺史水國濺如告疾言歸景龍三年六月十
三日終於蘇州之逆旅春秋六十有五正人歎息舊吏集作
傷感公清白傳家信義高世門有奇士室無長物夫其善
於鈎距長於衿帶法嚴令峻人寬吏急當官而行不畏集作
讒慝之口除惡務本而不求愷悌之譽出入從宦十有六職
以謗獲貶者五洗謗特遷者四不曰忠乎將無悔於九死
不曰直乎焉往而不三黜故人謝而名益著迹遠而風可
懷也皇上志其持法不撓贈大理卿本其坐樹無言謚之
曰節窳窳之事一以官供哀榮之禮被於存歿是時天子
嚴謁山陵訓人追孝推心庶物瀉澤幽泉公長子少府監
紹正次子給事中紹烈並構層堂仰延榮贈乃贈公工部
尚書君子曰孝必錫類忠則不墜臧孫達其有後乎鄭公

業為不亡矣夫人瑯琊郡君右集作左相邢公及善之女垂拱二年薨十六而夭後夫人彭城君鴻臚卿善因之孫女景龍三年五十有五而逝所謂齊姜昭前邦媛輝後碧樹先落悲同孫楚之妻紅蘭漸苞貴在馮勤之母以開元十八年十月壬寅葬我節公於長安縣高陽原夫人王氏劉氏祔焉禮也長長子紹正少府監第四子紹忠未仕第五子紹烈御史中丞孝乎二連之心思崇三絕之美魏主來顧賞幼婦之碑秦師不侵尊死士之壟揚名稱伐道遠乎哉銘曰

古之志志忠不違集作為難倬哉馮公矯此雲翰噐噐集作噐噐群小彼何足筭屢困終直天下改觀輕用百年窮達相半貽慶二子雙承天渙嚴嚴大理人命是懸聖明表贈王道無偏六卿各官百工攸序韓稜雖沒龍泉可許丘陵鼓舞

弓改谷移山集作桑歲月崩波弓有考有去不還唯德音碑傳不朽於人聞也集無字

豫州刺史魏叔瑜神道碑

前人

公諱叔瑜字思瑾曰魏氏鉅鹿曲陽人也考太師鄭文貞公致君皇極配神清廟故祖德胄系叙於太宗之先碑矣公生育慶緒天然炳胎教之姿少長德門日用成窮率之化性盤於孝友習狃於禮樂俛仰中則從容蹈道加以專精好古旁通多藝聖人之所悉聞一而反三君子之所能舉十而知九與同生璘琬知名當代始以門資補千牛左轉洛州司兵司議郎職方郎中太子洗馬出為懷州長史歷慶慈儀豫四州刺史春華韡於兩宮時雨零於四郡觀風之使所在聲聞變雅之老到今遺詠其年春秋五十有一終於豫州葬於集作于舊域夫人太原王氏祔焉禮也議

者以公不避強禦有昭子之政事不爲皎厲有康子之隱
德虛以尚賢有文侯之樂善重諾分急有信陵之高義人
鮮有一况兼四乎公賦入封君妹歸帝子車馬無戚里之
盛衣服有儒者之節儉而得禮富而無驕此蓋奉先人集
此之素履也公善於草隸妙絕時人以筆意傳次子華及
甥河東薛稷世稱前有虞褚後有薛魏此又貽訓之餘美
也嗟夫公學埒向歆操齊固燮若天假三壽朝登六事則
鄭之相武可尋漢之常平一揆而年近知命位止方州落
鵬翼於半霄負天之力莫展頓龍媒於局路追風之勢斯
畢九原不作誰將與歸二子獻華追存先德俾余作頌以
慰罔極銘曰

昂昂豫州毓粹含道欽若古訓思文烈考於穆烈考維國
之師公承丕構思皇纘之發軔臺閣風流榮問建麾千里

澤霧四郡位未充德命不遂才彼蒼孤善謂之何哉子孫
必復立封永久穆如清風振芬集作厥後

常州刺史平貞脊神道碑

前人集無

公諱貞脊字容一字間從燕國薊人也蓋晉之公族有韓
國者列於世家韓之餘子食平邑者因爲氏姓有漢丞相
改造繡衣在魏薊侯宅茲玄社故瓜瓞綿于三輔枝葉盛
乎兩燕魏齊之間世濟其美公即北齊司空公鑿之曾孫
祕書郎子敬之季孫故偃師令真容之叔子鍾積慶之洪
胤包太和之粹靈敦厓沉靜直方簡易仁義根心政理沿
性度以禮樂文以詩書戶部尚書清河崔知悌朝望人倫
公之文友深賞延譽遠近宗焉始以司成館進士補盧州
慎縣尉刺史盧寶胤舉藏器下寮轉冀州大都督府魏縣
尉換晉州洪洞縣主簿北平陽道昕氣尚標舉河東裴知

禮鑒裁精拔陽推以孝友資身裴亦薦以經邦興化徙雍州新豐縣尉盧少儒引爲檢點判官差卒選拔小大推允休議登聞擢監察御史裏行奉使黔中監選有牂狗謝鳳節仁奏罷漢官專任首領公上其挾姦樹黨椒擾蕃落天子悟焉再使置吏遠夷騷而旋定舊貫改而復完又駟牧在野攘竊是繁耗以歲月莫之禁禦公輅車上隴群慝畢露表監官斛斯果之輩奪職者九人沒臧者萬計牧圉知禁思無邪矣開耀間吐蕃侵境師旅不給乃贈運酬勲募耕入選利之所聚詐亦居焉公與大理正王守一於河蘭鄯廓四州推獲僦糴王希古盧種王誕其徒二千餘人正處其罪爰德得發我直授監察御史丁內難去職居喪過毀死孝貽憂光宅初肇建兩臺分典百即服闋授右臺監察御史巡察河南澄清郡邑昇賢弊罪能執其中類功最加兩階

拜右肅政殿中侍御史郎官法天古難其選具美斯在拜司勳員外郎永昌中遭凶黨網羅爲周興所奏貶溫州固安令州將舉清白改鴻州櫟陽令邑多猾人累宰敗駕公威簡有素成結無欺一作率是而行人用不擾獄行自靜狼戾反慙詔書嘉譽加朝散大夫又罹密徒具錦爲河內所鞠降括州員外司倉尋而事白進吉州司馬神龍中興官反舊政窮鱗沛而縱壑墜羽翼而順風拜司門郎中兼衛王司馬無何正除衛王司馬拜太子左庶子以節愍之禍出爲涪州刺史未往又轉盧疑州刺史致仕久之景龍中復起在諭德兼崇文館學士詔曰公摛紳耆彥操履清淳令譽播於始終嘉績宣於中外儲闈論諭雅望尤高宜申朝典俾加徽服可銀青光祿大夫又攝詹事東都留守拜常州刺史居歲優詔致仕享年八十若干先天元年仲冬

薨於河南之正平異策遺令近地便葬斂以終服開元二
年冬卜葬於伊闕之西夫人河東縣君柳氏祔焉禮也公
出入四朝歷官二十其進也皆釋疑作能錄勤惟德是與
其退也必舍垢受屈在涅不緇子文之量從可知矣凡撰
純孝友悌傳各一篇以匡儲后撰先君親友傳十卷以篤
故舊撰家譜家誌各十卷以明系本撰河南巡察記十卷
以辨風俗非夫通理博物立誠錫類者其孰能見志以著
書因事以設誠若斯之盛也有文集十卷行於代初公侍
祠清廟有髦士之宜而先考偃師贈蒲州長史自祖考三
葉瑩無碑記公咨諸通儒而追建銘碣幽趙之士以爲美
談夫爲子則頌德以尊祖飾終以榮親孝之大也爲臣則
不枉毫髮以顧私不避豺狼以撓法忠之至也潔志則利
不涉口欲不萌心清之原也履道則不俛眉以悅勢不屈

色以苟容正之方也詩曰仲山甫舉之公有其德傳曰左
丘明恥之公有其直惣是四善遠齊二賢於是苾芬令問
優游眉壽惠風激于勝流丕績敷于哲后然以忤彼權貴
保茲介特不登三階以正四國貞白之侶慊焉太息其孤
總授充窮泣血靡所寘懷俾余作頌布哀豐石恭惟先人
之寮友嘗奉長者之語言公雅珍確實不尚華靡敬頌風
規直紀行事業廣詞福萬無髣髴少子授八分之妙獨善
當時公平曰惠愛故存之刊刻詞曰

峩峩淑德克生休命履孝蹈忠含清體正如玉之潔如金
之鏡高明詢疑作美學以潤之官方正事靜以鎮之嚴嚴

憲府公三峻之赫赫儲宮公三訓之道有行廢時有否泰
三入三黜無愠無喜鼓缶而歌懸車致仕全歸葬儉允也
君子西山幽幽東川悠悠雲過墳闕風薄松揪人亡道存榮

生哀留贈世作則行歸於周

文苑英華卷弟九百二十一

登仕郎胡 柯 鄉貢進士彭叔夏 校正

文苑英華卷弟九百二十二

碑七十九 神道四十

職官三十 刺史四

贈涇州刺史牛意碑一首

贈隴州刺史王行果碑一首

贈邠州刺史韋鈞碑首

壽州刺史郭敬之碑一首

贈涇州刺史牛公神道碑

張九齡

夫志道莫先於無欲福善莫大於有後始而悔躄終不近
名非道德之合歟生我勞臣立而集作遠績非善慶所致

歟所謂伊人其在牛公者矣公諱意字某其先子姓實始
殷後有牛父者則宋之大夫胤裔蕃衍人物更盛邠為護
羌校尉崇為隴西主簿遂家隴上是稱冠族其後因官安定
爰處鶉觚今為郡人亦既重代矣公之族祖有奇章公者
隋室宗臣風流篤厚典章損益有代可知天下稱之地靈
斯在大父通秉志高尚守道不携當時交辟辭疾不起父會

弱齡早代有才無祿公夙遭閔凶終鮮兄弟性且純至孝
思罔極幼以予立志不違邦與道為徒求於自我不屑軒
冕考槃丘園雖云屢空晏如也六郡自古五方雜錯負力
怙利上氣好武人庶相放風俗不純及公冲和其返真撲
外以義行格物內以默致願神不飾智以驚愚不棄同而
即異有恒其德無斁于集作人隣落為之變風狼戾以之
率化公既浮雲不義介石惟一或勸之仕但笑而不言飛
鴻冥冥胡可量也開元六年隨子西征以就色養春秋高
矣道茂年衰魂氣其歸賢達共盡越五月寢疾終於伏羌
之官舍時年七十有六冬十一月歸葬于北原夫人同郡
王氏不享偕老先是即代母儀婦德宋子齊姜歸于我宜
而集作爾家室不有配德曷生此子有子仙客為國之良用商
君耕戰之圖修充國羌胡之具出言可復所計而然邊捍

長城主恩前席且以子貴之義有加父存之禮玄澤下逮
素風激揚陰德所流大福斯至十八年有詔贈涇州長史
二十二年冬且有後命贈使持節涇州諸軍事涇州刺史
夫人追封太原郡夫人於戲存而累仁漫有餘烈福自昭
於互體道非冀於異時及其影響同符寵光如答雖松楸
已拱而章綬集作載華死有可作無異會稽之節集作苟為耻
安用鴈門之肉貴與不貴可不然乎嗣子銀青光祿大夫
太僕卿判涼州持節河西節度使兼隴右羣牧都使支度
營田使隴右彩訪處置使攝御史大夫隴西縣開國子仙
客叩心追遠昊集作天莫逮以為先美蓋聞後嗣有愧且
澤漏幽壤得不銘恩名典本州豈徒錫羨而已銘曰
隴上多豪山西好武使君貞獨幼不斯取惟道為徒與代
為集作立矩善有餘慶風亦變古不學而知不行而至跡有

相混名無自異出入百年終始一意福流于後神明其事
行止於身用存互體厥子嘉績中朝緝禮印迴壠隧門重旌
蔡逸人之墓今同郡邸

長安縣尉贈隴州刺史王府君神道碑

李邕

邕聞才不必用度疑作慶有必鍾盡滯或牽於時首止終會
於吉故志氣也不謀於食而謀於道生祿也不在其身即
在其子始終備致後起追褒謀翼孔彰前循邁種互體相
發地日同時哀榮大來幽明通感長河一曲所以端其濬
源高山四成所以極其層阜粵未可測已府君諱行果字
某太原晉陽人也其先祗于譽稷幹于季文枝于翦離條
于吉駿代關絕疑史朝弗曠官自古及今名不去六代祖
睿後魏尚書令封中山王贈太宰謚曰宣五代祖襲吏部尚
書嗣中山王謚曰惠高祖忻散騎常侍北肆州刺史謚曰穆

曾祖子景徐州別駕北豫州司馬祖元季府君屬隋政分
崩賢人伏匿誓言避地執心葆光迫以族弟本州遠慮物
義辟大中正開府儀同三司考有方府君皇朝岷州刺史
皆寵義從禮尊仁依信增業以行道兼濟以守官府君間
氣茂靈上德純粹風度簡曠神情秀拔衣冠禮樂超等出
徒博達聰明舉衆敵國無成足乎多藝不器非其一名讀
聖人之書閱上將之略每及忠公大節孝友至情太息戶
庭垂涕枕席憮然有開物致君之意立德顯親之心皇士
目之通才許之好人一作仁從田蘇之遊求已慕蘭之生義
至於手畫耳聽口誦目數覆碑背局答難詩賦公每屑焉
人所服者弱冠以方聞授潤州司兵參軍事自頃上官養
求同寀侵欲或專恣儉嗇或懷其安荒一覲禮容載敷先
訓不俟憲矩若對神明信所謂正刺邪德形物至於此也

未幾宅岷州府君憂七日絕漿三年廬墓泣變青栢祥致
素烏野老明徵邦牧表異府君泣面而視漚肝而言曰所不
死者恐貽慈母痛悼豈願居單外買聲名叩頭止之外除
宋州司戶參軍日者南疑無水虎唐土有凶年奸吏舞文
詭隨畢賦誅求公聚作為賙給者習為常焉府君位其農
郊什其居室正之以法糺之以詞勿言寬征足革舊染議
者以為平平社肉武習宮人一荒知秋百為有典矣總章歲
駒麗負海欺天國家汎舟討罰銜急宣之明命濟懸軍
之見糧董其轉輸舉于幹職是役也繫公遷長安尉無
何丁太夫人艱禮異於經毀甚於昔且二尊孝等偏罰事
殊往顧慈親今極真性臨穴號咷仰天殞絕嗚呼孝歟春
秋三十有七夫經德而天代人所悲執喪而滅錫類所痛
有一於此則可以束名教感人倫況兼而極乎夫人中山

甄氏父雍州豐崇府左別將黃陂縣開國男食邑三百戶
行府君之息女嬪有令言毋有彛則從夫德貴訓子業崇
力遷於山祔同於穴粵以景龍三年歲次己酉十一月庚
寅朔十三日壬寅合葬於洛陽清風鄉之原禮也長子駿
慷慨英達激陽忠孝誦習文忠昭宣幹一作略元宰經國
上將師師申通明之偉才竭寅亮之誠節其志如石其心
如丹五間三邊少籍多得空始一作疑無所逞其計合一作無
所用其鋒李牧十年武侯七縱盡兵聲一作於河外揚主
威於海濱三士列其多備九原備其光寵開元十一年九
月八日制曰存樹其名没而不朽緬惟褒飾弘是典章兵
部尚書同中書門下三品上柱國
行果粹靈誕和
敏德成器高節夙著盛名有歸雅志未申促齡永謝象賢
之美不展於亨衢而積善之徵克崇於後嗣歲紀方邈徽

猷自遠宜申寵贈使持節隴州諸軍事隴州刺史勳如故
次子暉故邠州永壽宰神和體正經明行脩有角無齒惟
天之道與才不壽匪身之辜兄也孔懷惻然增感願述先
德克贊豐碑高燥有以壯孝心樵蘇有以敬賢墓其詞曰
德不辜慶有續迹時晦賢必復名實才尊匪祿博枝藝窮
簡竹耳聽聞心以蓄手未止目猶逐碑可背奔能履坐嘯
委行道昂孝深至滅太蹙獎教義推雅俗位嘗卑齡雖促
推仁信致戩穀鍾令子發華族振武旅廣文園于六經廟
堂掃邊服昭皇考贈丹轂臣義著子道足哀且榮幽既燭
考罔已性相屬碑乃建神所福

贈邠州刺史韋公神道碑

韓休

夫賢者所以稱至業也居賢而德故有尊位者所以叙才
用也有才而位不必貴緬覲志則代有其人焉公諱鈞字

季和京兆杜陵人也昔大彭授征伐之任惣齊羣后立爲
商伯扶陽擅儒雅之道儀形列辟起爲漢相由是邁種厥
德光昭盛門軒裳弈葉以濟美靈庭彤嚮而相屬故夫重
暉洪業啓彼玄緒淳德介祉歸諸後昆者焉曾祖澄皇朝
國子祭酒儒門肇業國庠貽訓祖慶植皇朝舒密二州刺
史政成師長化洽黎元父璠皇朝駕部員外郎譽重國禎
道高人望光膺三署之拜克彰九德之美公淳輝秉靈鴻
芬錫社含英秀發揚光炯耀其少也則圭璜自然克有成
器其長也則禮樂攸在光其大名式是古訓洽于前列懷
利器而待割含虛明而獨照學無不綜窺先王之書府言
必有則得夫子之文章挹其道則虛往而實歸論其德則
敬容而貴允所謂樂只君子邦家之暉者也解褐以常調
授綿州魏城丞矯曾翰凌絕壑立茲政聲弘彼邦教以尤異

擢授雍州長安尉未幾遷雍州司士參軍超于輦劇佐此
神京既位以才遷亦高由政舉無何轉洛州陸渾令京臯
底績河縣爲榮銅墨載美絃歌用譽以親累出爲晏州嵯
峨縣丞尋改授雅州司功參軍遷雍州三原縣令又改授
邠州三水令又改授岐州扶風令窮通在命喜愠忘我當
運而寵辱不驚養空而逝止恒適用能因事立訓自公滅
私雖得喪繫乎其時亦風軌存乎所蒞者矣嗚呼物不可
以終否道不可以遂喪夷然順之艱以貞之俾夫大亨則
自天而祐之矣景龍二年聖人發明制褒有功授太子司
議郎內供奉尋正除乃遷尚輦奉御恭承嘉惠肅奉彝則
膺美選於禮門拜殊榮於御府又以親累授果州司馬尋
改授漢州司馬公道直而正德貞而修雖行必恒存而運
無常泰善不違已固無負於神明累則因人亟又從於貶

降且人有厚於德而薄於命行其道而屈其身者歟栖遲
下列竟以卒歲以開元十一年十二月十九日遘疾終於
漢州之官舍春秋六十有四惟公含弘光大洵秀冲雅澹
然而靜謬乎以清神崖自高海量孰測韞隨和以增美將
蒞蘭以共芬而天鬱斯茂朝榮莫及盛名空一作斯在昌運

不留可爲長歎息者也以開元十二年七月二十五日遷
窆於萬年縣洪固鄉陪先塋禮也公之第四女蘭晚生秀
金閨植德以良家之選參帝子之榮克彰慶善之餘允協
徽章之命開元二年正月四日乃下制贈公邠州刺史
贈先夫人薛氏爲晉國夫人制曰代榮簪組才稱楨榦方
居參佐奄謝中年朝選良家既聞餘慶義崇恩禮爰在飾
終宜分符節之榮無忝結簫之夢可贈使持節邠州刺史
并贈夫人爲晉國夫人非夫弘風勵俗明察在人豈能褒

崇光茲訓翼者也君子曰管氏之世紀不亦宜哉其斯之謂歟有子尚舍直長悅然等晉之明用幹蠱而在克永惟孝思訓我溥則

播美於穹壤用圖芳於篆刻乃

銘曰

緬彼大彭兮佐於有商自我楚傳兮慶流扶陽逮茲後昆兮弈世以昌誕此明德兮與時而光良玉不斷兮幽蘭自芳爲邦之彥兮爲人之綱胡德修兮而命之不臧旣道崇而位薄亦身沒而名揚嗚呼積其善也聞季文之寵章崇其構也稱鄭公之不亡勒貞石旌高堂德音昭昭以孔彰俾夫墮淚之美者豈獨峴山之陽

壽州刺史郭公神道碑

苗晉卿

公諱敬之字敬之昔王季之列乎周魏叔之胤或謂郭建國命氏百代可知則有燕昭築臺尊賢師隗漢祖分邑行

賞封亭曾祖廣意光祿大夫生益儒爲馮翊之表也雞犬之聲相聞公先祖復徙宅於華山之下今爲華州鄭縣人也烈祖履球金州司倉大父昶涼州司法並不緒濟美不殞其名端操履正有恒其德故鄉黨交友以爲法度嘗謂人曰吾居閑而不悶其寂望榮而不貴其厚有道則仕豈牽乎祿則居之所以從好利貞亦其自然所以不至大官大邑也各尚其志夫復何言皇考通美原主簿器大猷特識精兼照明究羣書英聲跨邁於遠近矣初履畿甸措紳歸高將昇臺閣雲霄自遠惜乎才仰餘地命嗟促齡公受天正性承家高範一作轍致用成於私室可試進於公門望形而高深莫窺聽言而是非不惑所位造適不可得而詳也凡歷州掾至別駕者三轉府寮遷郎將者五兼團練監牧使各一除吉渭緩壽刺史共四州累勲上柱國進階中

大夫其牧守之理皆政開一方化行千里變俗思義

一作施恩

酌物一作酌從宜而節費尚儉用簡鎮靜清可率下寬能安

衆舉事皆當察情必盡所謂愷悌君子人之父母何異乎

仁風甘雨被於萬物也故天子璽書慰勉以彰分憂休績

之聞焉未盡百祿可延三壽享年七十八以天寶三年正

月十日遘疾終于京師常樂里之私第聞者永懷咨嗟揮

涕夫人平原郡君河內向氏配哲生才夫賢子令德高佐

美慈加訓深嗚呼哀哉慶可延而靈不祐先窮泉而別華

堂天寶十三載四月二日合祔於京兆少陵原禮也頃羯

虜犯順王師討逆公之子子儀任惣元戎誓清大盜常山

擒敵之後靈武翊聖之初成我六軍前驅効死於是掃秦

之寇復開奉天繫陝郊之俘更收洛色加以蒲坂之

下淇水之上摧暴廓地二城無虞况師不遷延功皆戰

伐豈敢言病必先啓行此由許國捐軀輸忠奪勇或謂公

曰書勲疇賞莫與爲二公曰我國家將去否復必反正仗

聖威而誰敢不雄奉睿謀而舉無遺策非爲己力所謂天

功帝曰朕嘉爾竭誠稟命平凶除惡遂自御史大夫拜兵

部尚書同書門下平章事俄而改司空換僕射又除司徒

兼中書令列爵代國實賦千戶蓋武定聲偉若茲巍巍者

也他日又追贈公亡祖兵部尚書亡考太保亡妣魏國夫

人弟姪子孫亦皆進祿位紆金紫此又殊常之恩也太保

公禮畢封樹悲深歲月今慶延身後仰雨露而無涯德發

生前比金石而不朽永言淑懿實在昭宣無窮之聞光乎

刊刻銘曰

北州望崇左輔源同代無達

疑德慶延我公仁能濟衆信必

由衷邑疑裏支持凜凜清風知周才美君子不器掾州佐藩

戎秩軍使砥開直道筆遣留事騏驥長途可遺百轡四郡
循良政一人康尊之軌度終然允臧於惟聖善輔訓義方
何怙何恃痛極悲長少陵原上盡爲幽宅何代丘壠誰家
松栢司徒所天太保追策哀榮超冠千秋聖澤行由已全
名自人傳勒茲銘記表于墓田繼代者來知先德行路者
過想遺賢紀實昭懿俾奮億年

文苑英華卷第九百二十二

登仕郎胡柯鄉貢進士彭叔夏校正

文苑英華卷第九百二十三

碑八十神道四十一

職官三十一刺史五

安州刺史杜鵬舉碑一首

泗州刺史李孟犇碑一首

晉州刺史高武光碑一首

安州刺史杜公神道碑

楊炎

受正性者德之元纂重侯者業之盛君子體仁以合德積
厚以感通著于神明光于祚胤者其惟松乎公諱鵬舉字
某其先京兆人也七代祖諱模後魏爲濮陽守衛人宜之
子孫世居東郡故今爲濮陽人夏有秦龍之官周封唐杜
之國世載侯伯勳藏晉魯國周公錫命立旗火龍極三代
之衰參五霸之業斯保姓之始也漢有建平侯策定中興晉
有當陽侯克并南夏其食鄴鄙盛西郊之蔽冕其分荆濮

祚東國之山河斯不朽之宗也濮陽生陳留太守諱亮陳
留生高祖北齊膠州刺史竟陵公諱伽竟陵生曾祖隋鴈
門太守諱保鴈門生大父唐蘇州司馬諱義寬蘇州生皇
建平侯荆益二州大都督府長史諱慎行洎貞孝公秉哲
以輔先朝今黃門戴天戴自魏七代以方岳登聞在唐兩
朝以台衡致理斯邁種之仁也公貞孝之冠黃門之考天
修其爵地富學一作賦其才神抱虛蘄智藏著蔡口目河海
儀形嵩華學可以掌邦教詞可以宣國風少與范陽盧藏
用隱於白鹿山以太夫人有疾於清河崔沔同授醫於蘭
陵蕭亮聲色之微以誠達疢癘之祥以氣變屬先府君
作鎮荆楚有詔門子親侍禁闈起家修武縣尉歲滿以書
判超等授濟源尉以正議登朝拜右拾遺昇玉堂以謁聖
君陳格言以利天下黃門侍郎張廷珪國之髦碩洛州長

史皇甫知常人之標準美公志行嘗與請交公精義入神
洞究奧蹟初睿宗踐祚冥感祥符觀玄期於化元啓成命
於幽數人所以侔非常之運天所以歸億兆之心玄宗時
在東宮表公所言請編史冊時應令賦詩御札批云畢公
之任諒藉伊人思入風雅靈通神鬼後以親累出爲岐州
司倉轉同州司士開元初上以中都稍食省河漕之徭大
農器用賦晉山之鐵牧馬于歸獸之野考室于迎春之宮
關中始置踈決鹽鐵長春宮三使詔以公爲判官明年天
子東行河隄陞格獸之場開濯龍之沼停鑾上苑留宴天
泉酒酣樂過公獻賦以諷於是有采章之錫遷著作佐郎
太子左贊善大夫都水使者邠王府司馬豐王府長史中
散大夫安州刺史公爲政在上位畏于上貞一以守之齊
莊以蒞之其始也居右正詞王侯嚮慕其終也踈通簡易

禮教興行方將坐周邵之堂陳歌訓之典法象魏登山庭而明德壽於中年壯圖悲于下國命矣以某年月日終於官舍明年三月葬於壽安之南原遵遺命也夫人河南郡君尉遲鄂國公之孫邛州刺史瓌之女抱含一之德友于君子受降神之禱克生元輔天寶四載終于山陽別業其終祔焉從周禮也長子靈瑋陳州太康主簿繁冢祚而命奪其祿次子奉遙有異學而天喪其文荀陳同德顏冉齊化季子山南道副元帥特進黃門侍郎同中書門下平章事衛國公鴻漸身負蒼旻氣和鼎鼐以符合斯運以道佐唐虞文繫訓謨化齊混象大勳格于皇極厚寵揚于祖考府君先贈太常再榮師保夫人舊封宜陽增號某郡三錫相公之命是尊孟母之賢惟公主忠孝根仁義事親有極致之道報喪有寧戚之哀威廢鞭笞愠忘誚譴其立

身也冥觀天理合疑含幽鑒強志通於衆藝敏行求於古人考聲聲觀曆象動合靈祇之贊居順陰陽之和其達識也憂喜極中權利交喪歷官十二遠悔吝之形春秋七十抱純精之氣其保終也君子謂探命歷誠也專樂膳孝也補衮職仲山之志也頌王風吉甫之才也濟美樂武之德也有後藏孫之慶也宜乎正訓百代垂鴻千古存被先公之冕服歿爲天子之元老勒鍾鼎建廟堂金石以頌聲丘陵以表隧乃假詞末學觀德將來銘曰

於赫太師德音孔遐道之氣象物之精華文學鄒魯羽儀邦家選于帝庭帝庭有儀聞于宮府宮府允釐明晦光耀際含天機識真紫極建旗青浦熊負金印虵蟠朱組時哉功名海變今古精魂歸復且陽之下我有冢嗣爲王寶臣德一作龍延沒世功被生人岸谷磅礴丘陵故新蒼蒼頌石

泗州刺史李君神道碑

李軫

夫崇孝悌者必竭力於事親厚忠貞者亦盡心以奉上故
 聖人廣而教之以勸遐裔至若馬遷續太史之記安國傳
 夫子之書潘氏家風謝公別傳內足以貽厥後昆外足以
 錫祉爾類小子不敏仰希前哲竊述類本用表流光君諱
 孟犇字公悅其先乃太上玄元之系五代祖景皇帝始封
 于唐高祖諱亮至德初追冊鄭王諡曰孝曾祖諱神通武
 德初以佐命元勳封淮安郡王開府儀同三司尚書左僕
 射諡曰靖烈祖諱孝義武德初封永安郡王貞觀中改封
 膠西郡公銀青光祿大夫司農卿上柱國冀貝等州刺史
 烈考諱敬易州司馬朝散大夫上柱國襲膠西郡公至德
 初追贈平陽太守皆斧藻至德琢磨令範仁經義緯躬教

易俗理化勲庸備詳史諫君純懿靈粹得之自天先府君

貶南州也以正直忤物為邪醜正一有辛字已告終于官舍君

未弱冠號天號地漿勺不入禮過成人寮吏賄贈一無所

受扶護艱險泣血萬里提携幼稚盡室獲全以某月日遷

塋配廟禮物無闕由是以純孝聞服闋調補梁州參軍轉

右衛錄事參軍相王府戶曹以清幹稱恩詔特加朝散大

夫出宰郟陽倚氏三原德風洽聞香聲遠茂君之臨倚氏

也萊田數十里上蔽荆榛下闢烏鹵一作暝通逃夜一作聚材狼

曉嗥公曰穀不足者地有遺利食不足者人有遺功長其

荆棘孰若樹其禾稼聚其材狼孰若利其貧窶乃尋斧於

拱木踈鑿於涑川化草莽為陂塘變磽确為墳壤人民胥

悅工亦子來雖史起決漳鄭國聞白亦何加也人荷其德

邑懋其功建頌立碑迄今斯在後中司撫循廉按嘉公丕

績薦爲鄧州司馬兼陸門堰稻田使君迺谿白水之口壅樊陽之陂築壩雲屯壘石山積樹捷立則截流施局制畜洩之門爲水府之權分脉血之經緯爲農夫之司命條流百道浸潤七邑疆畦綺錯稼穡龍鱗田疇之歌何獨子產宗司舉以郎署擢授禮部員外屬東封扈蹕轉虞部員外郎出牧泗州清明簡肅治行第一而地接吳楚氣候卑濕因之疝癘辭以疾歸開元十九年十月十九日終于大梁旅館享年五十有五權厝太行山至德初累贈宋鄭二州刺史季子翼自衡鄂轉運使兼漢南租庸從事爰適上國分途啓扈奔就吉辰以大曆元年十月十四日遷窆於京兆萬年縣之畢原先夫人崔氏祔焉禮也今夫人清河人也父諱惟名累遷海沂等州司馬兄鏡邈隱居太行累辟不起弟國輔秀才擢第制舉登科歷補闕起居禮部員外郎夫人冲和備體柔

順居中出起仰茂先之箴閨門遵大家之誠自府君捐世庶務親臨存孤撫稚有妨禪寂是以通大乘頓悟門挹沆瀣餌花香而又現舉止之異者有二凡於宴坐口吐舍利香骨頂生如佛螺髻警聞中外得未曾有翼等以額珠外見意寶內明釋氏前言今爲見世遂感涕捧戴歸于故園起塔瞻奉莫之測也及天寶末隨子權赴陝郡司馬屬狂賊犯關中原鼎沸權負板輿自弘農藍田值潼關失守朝野震驚扶長携幼潛避山谷重壑固陰深林酷冷因之遠裕至於彌留以其年九月二十九日薨於終南山一作所居享年七月有三有子六人長曰權故金州刺史次曰衡故洺章清漳尉次曰樞故檢校虞部員外兼侍御史次曰軫歙州別駕次曰房故渭南令季曰翼陝府長史兼御史中丞陝府都防禦觀察陝魏等使惟軫與翼永號孤苦松楸

斯拱銘碣未彰感奉遺範懼深失墜敬遵典故不慙以文
其詞曰
於赫太祖蟬聯我王夢蘭異感剪葉殊祥擇賢寔得立社
封疆肇分枝族貽厥其昌淮安忠黨英靈倜儻率衆關西
濟師河上膠西酷似文武不墜運屬休明化流撫字烈考
謫官遭罹艱時酷吏深文天下共悲君之岐嶷生知敏識
磨礱節行韜晦仁德鍾罰蠻貊膺填氣塞天之輔護日茂
嘉聲參鄉發跡語掾馳名宰邑佐都事明理貞爲郎起草
後範規程出守泗濱明德惟馨繼踈躡陸修身知止福量
未極壑舟旋徙猗那夫人性合天真心遊至道跡棄喧塵
嘉偶君子敬待如賓衣冠之族禮樂之門詞林翰苑金友
玉昆垂芳後葉流慶無垠令聞不朽貞石斯存

御史中丞晉州刺史高公神道碑 盧虔

大曆七年冬十有二月辛酉御史中丞前晉州刺史高公
薨嗚呼天柱折地維缺起止梁木其壞太山其頽乎中書
令汾陽王聞之依及於寢門之外至哀不哭仰天久之大
喪余俾余曷所依律苟在欽公之化食公之德莫不叩心
絕氣行號巷哭其月乙亥天王使中使來尋我公之賻贈潞
州大都督詔曰狐裘濯冠勤固無馱閉閣留犢盡瘁有終
謂公有古之風故賜公以古人之節傳曰知臣莫若於君
豈虛也哉公諱武光字叔良其先渤海人也曾祖正初隋
左金吾衛中郎將祖翰龔中散大夫常州長史皇考莊皇
左騎衛將軍代濟忠貞保乂王室累膺熊羆不貳之心佐
盛德之後必有達者惟公生焉公則將軍之嗣子也在厥
初生自貽哲命弱而幹父長乃克家耻雕蟲而不爲喜從
龍而或躍故能事親克諧於純孝弼主必著其大忠忠孝

並金社稷之衛也以申警之勤首職洛交郡安昌府別將
昭忠信也由是公忠壯日篤勤勞日宣爲國爪牙在帝左
右美爾攸績於嘉乃勲累遷至忠武軍守左清道率汨天
寶未會幽燕階禍公密奏辯疑襲履霜之漸叩血流地上
濺御衣雖徒之諫不從而竭忠之誠克見帝嘉乃節拜
右羽林將軍知軍事及亂作公待罪闕下曰臣始知之不
能糜碎身首啓沃聖聰俾賊臣猖狂藥不瞑眩誰之咎也
敢忘其死帝遽錫公雜絲二百段瓶盤副焉日子言無隱
朕甚嘉焉言而不從朕之過也惟今之謀言姑將以爲親
其年秋公陷賊境爲賊所得賊議焚太廟與清渠之役中
使孫知古遇賊弱焉將擊鼓之事公節由義感忠以勇
使危言勃如賊爾咸若是歲國廟不焚中使復命公之力
也其有金鏃淫夷南寇繫係咸賴迂續以永其命者可勝

言哉其時賊議公本我唐之蓋臣也不可以握兵之要恐
通內外之言賊遂黜公出典故絳絳人聞公之奪也公來
其蘇公之牧絳也我躬則閱雖外因賊命而內綏我人億
兆協心和樂且孺卒使苞茅之貢日臻乎行在及王師大
來公志克遂墜城歸命乃享無疆之休易曰女子貞不字
十年乃字其是之謂乎入朝肅宗詔復位羽林是歲年穀
不登長安餓死相屬公颺言于上請出禁衛之米以放餓
者上多之仍俾公司出納之恡翌日餓隸復蘇人賴家給
時謂之公致君邁於堯舜不然何博施之道廣耶越月除
奉先是邑也有不腆之賦戶人通其邑三千公戾止未幾
戶人復歸如初屬虜難未已時如刺後我鳳州皇上類能
俾公康乂公於是乎手有剖符之寄公之始至克黜戍難
靖安西入疑作踰月政成疑內大理佩其禍疑之蓋及身于

仁壽之域矣其年秋有詔遷梁州刺史充山南西道觀察
初商人更那延西人之子也憊遷貞來遇疾而卒遂殫所
得之資備送終之禮明日死徒數百人咸造公庭曰今有
以見死者之幸我如此不如此無其餘字人之恤飲冰之
絮不書可知也君子之高公荷天之百祿永終無斁由是
汾陽王美公之政無度寶應初以今上之命命公救濯于
絳加銀青光祿大夫絳人喜公其來如見父母戎首師乾
光皇甫大冲率徒數千居郡之南山食人馬牛奪人妻妾
涓日爲惡不彌虔劉洎公之下車旬時克浸仁風牽復淳
化封域之內密如也雖晉用隨會羣盜出奔舜舉咎繇不
仁者遠曷以爲比俄而汾晉阻兵關東漸弊脇權相滅鮮
克昏匡以公獨固大節杖大順初誘之以高位不從又逼
以白刃不從身幾見危節終不奪可謂風雨如晦鷄鳴不

已上徐聞其忠壯也加特進守左金吾衛大將軍又轉開

府儀同三司試太常卿封渤海縣開國公食邑一千五百

戶加一疑朝散大疑聞疑作疑歲遇汾陽王論晉倒懸之急若

涉水之不濟由是上將公爲舟楫克濟其難公自是以利

往爲晉康侯加御史中丞夫晉陶唐之舊也介二大都之

間達四康衢之要賦臣之所讎欽王師之所踐踐室盡闡

爾田其荒兮疑有彼稷之苗美哉之真則爲武臣所有其

秋興履畝之役獲比屋之稅無弱惇獨不畏強禦晉人沐

公之惠如慶雲也一年逋逃復二年田疇闢三年之外中

和之詠甘棠之頌洋洋乎盈耳哉三年秋汾陽王復以公

之勤績克聞于上上俾公以尹弼府決辰之內揚然有聲

晉人思公遺愛銘頌貞石經始有典不日成之覩而思仁

墮浹于下汾陽王問疑作疑之復聞于上上詔公再造其晉

加樂安郡開國公公之至也大耄鼓腹而歌羣黎投袂而拜武人惣戈以馳突樂正交鼓而利羅公既嘉遜如雲人亦沐公如雨風生草偃政簡人和陶然惣遂其性矣明年冬汾陽王以秦隴不關藉公以籌其策公罷侯于晉克揚西土之烈無何遘厲虐疾遂歸休于宣平私第病日臻既彌留銀青光祿大夫兼絳州別駕趙公廉公之愛壻也素知其爲人名節清峻器宇冲邈臨終之日託以後事而誓言于公曰嗚呼余不天祭之生也克艱難昔往蹇之際不克抗臣節以死王事繫老母之故賴皇鑒之明以汾陽王靈不汝疵瑕獲保首領以免今死喪荐至逃遁無所汾陽王生成之恩不得而答太夫人固極之德何階而報天乎天乎誰察余之心孝言終飲恨而歿享年六十有五夫人隴西李氏柔克宜家坤儀訓內享年不永先公而逝大曆

八年正月五日詔贈郡夫人夫人以其月乙酉合祔于萬年縣鳳棲北原禮也公六典大郡三掌禁兵清儉以立身貞固而獲歿誰謂高氏無君子斯焉取斯太夫人隴西李氏迴已斷之傷就終焉之禮夫人天水趙氏誓同穴之志爲未亡之人嗣子長曰景次次昱咸在童觀集蓼茹荼哭不絕聲盡而繼之以血也虔忝吏未曾工爲文受命于愛壻趙公俾光昭公之令德述聽遺愛搨札而書不覺涕之施若跪而銘曰

天贊皇明而公克生欽若王事有終于成乾乾惕厲謇謇忠貞三主禁兵六牧專城於穆性清疑洋洋頌聲九有作程惟皇之禎胡不終吉今天降疾禍昇福黜幽啓明窒佳城鬱備物秩送終於畢不思其出壠月宵弔郊雲曙密吁嗟高公千秋此室

文苑英華卷第九百二十二

登仕郎胡 柯 鄉貢進士彭 叔夏校正

文苑英華卷第九百二十四

職官三十二 刺史六

碑八十一 神道四十二

黔州刺史薛舒碑一首

常州刺史獨孤及碑一首

房州刺史杜徽碑一首

温州刺史裴希先碑一首

黔州刺史薛舒碑

常建

名位所以寵賢爵祿所以馭貴德盛者慶遠源深者流長
垂裕後昆啓迪前烈今見其人矣薛氏之先為仲為夏車
正仲虺為湯左相與滕爭長薛實先封佐漢登台因而昨
土河東冠族代不乏賢五代祖道衡隋吏部侍郎內史侍
郎隋文帝創造霸圖發揮綸翰變當時之文體高祖收皇
朝行臺金部郎中天策府學士我太宗之經綸王業專掌
詔檄擅經國之詞宗凡所事業著於史傳曾祖元超皇朝
戶部尚書中書令汾陽縣開國男丹青景化金玉王度訂

謨載於盟府故事留於臺閣祖毅皇朝鄜州洛交縣令太子舍人父儒童皇朝京兆府醴皇縣丞贈梁州都督潛德養蒙矇明藏用位不充量道屈安卑武子之德在人太丘之道益茂府君諱舒字中和醴泉府君之長子也元和誕靈純粹時秀覃訐有異敏惠夙成聞詩禮之義方深仁明之正性讀書知王霸大體覽史慕名臣高節脫略細務經濟遠圖銓衡賞擢年十九授華州司士叅軍從累土也轉相州司法叅軍又遷岐州司功叅軍鄴郡舊都扶風在輔掾曹之選必先才地以儒學飾吏以明察蒞官筮仕之初有令名再命而偃不忘循牆之恭三語故稱則聞趨府之譽堆案之下折滯無餘天寶初寰宇昇平典刑倫叙旁求端士以授法官拜大理司丞敬爾繇獄有郡吏抵犯議合惟輕台臣作威俾令從重伏念累日至於旬時苟有動搖

必將頗類彰書厥狀實曰非辜初秉直而不移終忤權而

獲罪貶青州司戶叅軍君子曰守法不回正也移官無愠

達也道不可屈身何傷無何授金州司馬遷夷州刺史舉

淹滯擇廉平也至德初遷渝州刺史西通楚疑作道北控漢

中鎮山縉雲峽通明月歌來暮於巴俗願借留於梁境昇

課最矣君理行第一所居必聞冉季膺政事之科龔黃獲

循良之首累遷巫溪二刺史兼少府監職中持御史溪洞

雜類蠻夷徼外綏有素福小有底寧言語之所不通撫柔

之化風靡寶應初皇上以四郊多壘五谿未安乃拜黔州

刺史黔中經略招封觀察處置鹽鐵選補等大理卿兼御

史中丞黔中者禹貢荊州之域秦開武陵郡其啓土也大

其貨殖也殷有廩君之土舟楫寡婦之丹穴惠化所感無

思不服昆明夷者西南絕域開池習戰漢所未通遠聞德

政翻然納款琛賁尤物來獻於重譯紫泥寶書屢榮於手詔
尋加金紫光祿大夫御史大夫河東郡開國伯賞茂勲也
十郡土風百城異俗輕剝嵒窳姦宄矯虔示之以威信興
之以禮諱華風變於夷裔膏雨浹於殊壤方將作鎮藩翰
永爲長城天不憇遺人將安仰以大曆十年四月二十五
日薨於溪州之公館春秋六十有八勤王事也魏闕將朝
未展韓侯之覲荊州罷市深懷叔子之仁百蠻感慟三軍
雨泣惟君孝悌之性始於閨門忠義之誠聞於邦國少有
大量幼而考成結綬勤王敬恭朝夕精識可以應務明斷
可以折疑每推是心以接於物魏其廡下金盡散人沉甌
室中衣無常主而雅好文酒醉猶溫克陶然忘機傲然自
得儻來軒冕曾不在懷此則山簡之踈曠莊周之造道貴
而不驕謙遜每推於寮有寬而能恕喜愠不見於家人

信大雅之保身中庸之蹈道沉乎負材器以身許國剖郡
符簡易之風政行於南國者二紀領藩鎮者十年凡所條
奏上簡聖心汝實專征嘗受元戒之鉞我惟共理兼榮副
相之印充國之功宣右地伏波之式是南邦遺愛去思古
今一揆君外祖故中書令道遙公諱嗣立先朝碩德叔父
故陳留郡太守河南採訪使江童當代名賢季弟前吏部
侍郎今宣州刺史宣歙等州觀察使邕朝之俊茂旣疑隋朝
至今掌綸翰者四葉天寶之後膺方面者三人中外相門
弁代文學閎闊之大莫之與京夫人京兆韋氏故工部尚
書東留守虛心之次女琬疑作琬淑之德早映圖史柔明之姿
動成師範方保榮於韓樂奄追悼於潘詩以永泰二年三
月殂逝巫州官舍追贈扶風郡夫人從夫貴也長子前鄉
貢明經安親次子左金吾衛兵曹安國早承訓導皆成器

業才行之美孝友彰聞有志不時相次淪天第三子永王
恭軍安都駘推之歲執親之喪致毀而終人踰_疑所痛卜
云其吉列兆先塋不忘孝也第二女故梓州射洪縣令杜
滔妻至孝純深提携孤幼江山險阻扶護言歸誠孝所通
龜筮協吉喪事不敢不勉備物必誠必信聖恩震悼贈禮
部尚書賻物三百疋仍令中使監護弔祭儀仗禮優常等
飾終之典迴日月於佳城詔葬之儀濡雨露於泉隧以大
曆十一年七月二十日合祔於萬年縣栖鳳原禮也季子
太常寺奉禮部導誠協律郎遵誨太祝_{一作常非}遵訓等七人
童壯而孤孺慕罔極松楸已拱地邇先君棣萼前彫塋連
愛子封之若芥尚行夫子之規坎不及泉自合延陵之禮
余忝內弟早荷周旋傳盛德而備詳叙高行而無愧詞曰
汾水源長條山連_圖鼎氣發祥大_其昌車正仕夏_鈞衡

佐湯贛君法令內史文章德_彙慶遠才優道彰中書正本
綸閣傳_方稱茂緒代濟業祉學小申韓藝通墳史邦有良
翰朝推端士折滯列曹申寃大理三黜無愠九遷茲始州
縣斲勞雲霄則邇西南重鎮實倚長城夷落風變蠻陬化
行駐車決遣攬轡澄清赤舄命服朱輪錯衡霜飛憲簡霧
濕戎旌絕域輸_{一作納}款殊方獻誠牙璋既備介圭方覲仁
則宜壽天胡不憖迢_蓋江山悲涼旅櫬震悼宸宸哀傷藩
鎮詔使護喪同盟執引哀哀孝女_芄芄弱胤銘德叙功庶
乎傳信

常州刺史獨孤及神道碑

崔祐甫

_{附見獨孤及集}

昔劉向稱賈誼言三代與秦亂之意其論甚美達於國體
雖古之伊管_{文粹}未能遠過又稱董仲舒有五佐之才雖
伊呂亡以加管晏之屬殆不及也烏_{文粹}戲二君以偉才

當盛漢之崇而依止於下國二千石祐甫聞於先君僕射
曰主恩非臣下之所圖天命豈生人之所制有唐碩量深
識之士曰獨孤常州諱及字至之河南洛陽人皇朝左千
牛備身元慶之曾孫蔡州長史思曠之孫殿中侍御史贈
祕書監通理之第四子仕而遭時鵠立於朝建煥東夏三
著嘉績嗚呼痛乎奄忽捐館其時也大曆十二年夏四月
二十九日其地也常州之路寢其壽也五十三年中朝名
公素見知者後進之士聞義嚮風者洎蒙舒常三州之百
姓莫不堪集作填膺流皆不宴不相決辰彌月厚而惜之者往
往失聲出涕施有若公有子朗郁等年未齒厥兄檢校水部
員外郎兼侍御史泥方左淝河集無此字東師聞喪來奔半旬而
至惋毒之甚情本如不欲生既受吏人賓客之弔乃忍死集作哀
謀事六月六日引使君之柩去常州歸洛陽其年歲次

丁巳十月朔七日葬我使君子河南府壽安縣某原先祕

監之塋以夫人博陵縣君崔氏祔焉禮也水部曰天之降

災害二字集于我家仲叔季盡矣吾將老矣吾弟常州之子

未立今不刻石表墓則常州之令名何以傳於後乃託我

故人叙而銘之常州稟元和以生幼有成人之量祕監府

君親授以孝經常州一覽成誦祕監問曰汝志於何句對

曰立身行道揚名於後世是所尚二字文粹作志也字是徧覽五經

觀其大義不爲章句學成童丁祕監憂勺飲不入口者累

日先夫人同郡長孫氏讀以不可滅性之義由是微進饘

粥杖而後起免喪加於人一等鄉族稱其孝焉長孫夫人

高行明識訓導甚至常州漸教成器卓然有立著延陵論

君子讀其評議之精在事人右天寶末以洞曉玄經對策

上第超拜華陰縣尉著古函谷關仙掌二銘格高理精當

代詞人無不畏服俄屬中原兵亂避地于越丁太夫人憂
毀瘠過禮既外除江淮都統使戶部尚書李岍奏為掌書
記授左金吾衛兵曹叅軍軍旅之事非其所好未幾返初
服今上即位下詔收俊茂舉滯淹政之大者以公為左拾
遺凡所諫諍直而不訐婉而不撓削藁詭詞文粹作屬不傳
于外遷太常博士時新平大長公主之子裴防尚永清公
主初以太子少傅裴遵慶為婚主將行五禮公實相焉中
使口宣詔旨易之大長主後夫姜慶初常州曰婚姻之禮
王化之階以異姓之人主之不可甚矣某不奉詔中書令
汾陽王時為五禮使從焉又百官薨卒定謚之際綜覈名
實皆居其當與嚴河南郢訓答呂荊州諛謚議博而正當
時避之遷尚書禮部員外郎受詔考第吏部選人詞翰旌
別淑慝朝野稱正方大卹黎庶精選牧守以公為濠州

刺史平其徭賦恤其寃弱課績聞上加朝散大夫遷舒州

刺史舒集有境瀕江傍山羣盜所聚或蟠結林藪或趨起

城寺公惠以柔之武以讜之釋矛服耒盡為良俗其他如

在濠之政居一年璽書勞問就加尚書司封郎中錫以金

章紫綬屬江南旱歉比境之人流庸甚衆公忠集作心以

撫舒獨完安天子聞而休之擢拜常州刺史常州當全吳

之中據名城沃土兵興之後中華剪覆吳中州府此焉稱

大故朝之選牧恒屬意焉公宣中和平易之教務振人毓

德之體百姓蒙化遷善不知所以安而安吏不忍欺路不

拾遺餘糧棲畝膏露降之集作庭公平生聞人之善必揄揚

之氣盡與之不啻若身得之後進有才而業未就者教誨

誘掖之唯日不足公之文章大抵以立憲誠世褒賢遏惡

為用故論議最長其或列于碑文粹頌流于詠歌峻如嵩

華盛如江河清如秋風過物邈不可逮公有集二十卷行於代若夫贊堯舜禹湯之命為誥為典為誓為訓人皆許之而不吾試論道之位集作且而不陟前是公之仲兄季

弟伯姊三年之間繼歿執天倫之喪如荼如蓼竟以無祿天何不仁然則賈與董名位不盡其才吾先君之歎主恩

天命斯見矣其銘曰

常州之德二本無此字孝行為大烝烝翼翼以敬以愛友于兄弟

如捧如戴常州之義篤于朋二本無此字友用之有恒行之可久

集作故之日如扶危拯溺爾身我手常州之才施于有二本無此字

撫柔三部謙以二本作為柄龔遂國僑千古迭映常州之文究

其元二本無元字本質取其深文粹作正艷從其損在星之緯在衣

之袞常州之年止於二本無于字中身去昭昭之盛世與萬

鬼而為鄰白馬江上青鳥洛濱鵲鶴在

原嗟爾元昆線經二本作霑血長號訴冤纂述遺

美謂余不護我見二本作之子將二十年相投藥石胡

亦不痊譬我於池子為之泉譬我於桐子為之絃榮

不獨遂難不隻全如何淑名摧馥碎堅巖衣楚挽徘徊墓

田望之不見赴之無緣狸首班如女手拳拳如天如天泣

涕漣漣二本作狸首班如女手拳

房州刺史杜府君神道碑

劉太真

茂天爵者薄人秩韜真機者疵世道是有草萊纒組塵埃

聲利位始階而身退名始存而跡遠者見之於府君矣府

君杜氏諱元徽字金剛京兆人也宗啓周封業光魯史層

源演派疊萼舒英以地則因人斯大以世則令郡望族至

若驟諫興王飛謀戰國垂康漢之績著平吳之功成寵冠

往賢鬱華前載斯粗舉而未能也曾祖良杞府君銀青光

祿大夫國子祭酒贈左僕射祖士倫府君太中大夫左衛

大將軍考玄隱府君游擊將軍商州桐水府折衝上柱國
或導揚儒風或宣肆武烈方傳學省勲在戎府俾昌而裕
毓我今令府君貞亮居體中和成性孝慈根於素風明敏
彰於羈貫唯導素是味唯還丹是慕浮碧落而雲高立秋
江而鶴遠旣而宗族喻良弓之業親朋示博帶之義事感
于中勉而筮仕解巾署陪戎校左金吾翊府尋授左監門
衛長史晁錯才識始從掌固揚雄詞賦仍聞執戟滯脩鱗
於汙瀆棲逸翮於榆枌摩重霄躍洪瀾將有日矣然而雅
好翰墨尤工瓢矢援毫露垂舍拔星落循倒薤以偕極掩
穿揚而稱妙造次於是專精無怠況素以飾智於是隱身
徇物則儒墨兩亡也匪**江潮**而閑匪仁義不修則朝野一
致也是用齊榮賤混淹速歲星逾所名秩乃徙人不堪其
望我則莫之屑其練性存神遠希彭美猶初志也府君之

從父昆弟有懸王官宿債者簡書煙交司空星至悉責薄
產殆將不給且家人數數泉壤貽懼府君憂攢于貌事甚
在已遂鬻所居之業而代償焉一遷于西郊之別墅又有
至自西州者官遊旣久田屋斯變陶園兼松菊已荒江宅
與桑田俱盡府君復推別墅以居之其仁愛之厚多此類
也屬虜起幽都兵交中原二京弛禁六龍偏幸府君心壯
血憤志圖家國乃激勸親族糾率子弟弦木礪金有車一
乘督責遣之曰吾聞救時者無險易赴難者無遠邇況文
武繼代食君之祿者乎吾夙有林棲之契又齒髮將暮不
有處者誰保家屬汝曹行乎吾欲兼濟遂提老耄幼集于
終南特勲武爭搏齊人大擾戰血殷野殤魂嘯林丁壯濟
師婦姑行餉府君深居事適與靜合身絕鞶角目無鋒
刃天下鼎沸雲臥恬然伊昔漢臣擇日而不去秦客緣源

以志返屯往秦還我無疑滯由是故放蕩形役倘佯家林
州閭歸仁疆理息訟儒書仙錄開卷自得鶴侶鴻儔風期
相許實清真上人也以軋元二年夏四月十八日遘疾終
于長安居德里私第春秋六十有四夫人渤海郡太夫人
高氏婉懿淑茂柔貞惠和含真樂道合府君之志以貞元
四年秋九月庚午合葬于咸陽之洪瀆原禮也長子前河
北招討都統領兵馬使銀青光祿大夫檢校太子詹事兼
御史中丞上柱國建安郡王食實封一百五十戶李玘宣
茂績於邦家施湛恩於祖考忠誠好謀沉毅能斷當禁衛
之心膺惣兵符掌握皇威揚於外臣節固於中勲庸大來
爵位斯集朝廷以府君重疑作裕道至貽謀慶深下詔褒
寵用光幽宥贈房中刺史次子冠軍大將軍兼試太常少
卿李璘探曠兵謀妙通劍術致身環列亦著殊名惟伯與

仲孝心罔極莫不切追遠之情循聿修之旨爰託圖篆式
照令德其詞曰

休祉錫美元淳毓靈是日哲人惟道之英風質簡遠音詞
淑清優遊下秩想象高冥謀能圖國射足觀德藥竈霜玄
書池水墨義自情感仁非教植鬻業推居宗親翼翼當夷
亂華高蹈雲崖子弟從師策勳王家艱難既平吐納元和
玉貌雖全一作美促齡如何詵詵令嗣忠武濟世位崇銀章權
惣羽衛是降褒贈載光幽竈攢疑詞揚休昭示來裔

故朝議郎使持節温州諸軍事守温州刺史充
靜海軍使賜緋魚袋府君神道碑 權德輿

春秋時賢卿大夫皆叙其代功舊德章明似續集作續蓋黃
流玉瓚之寶產於深山清廟夏屋之材秀於中林其或爲
珩爲珮爲節爲枕無非禮神用備崇構洪河之東裴氏在

焉自魏晉迄今忠賢輩出士林以為領袖史臣疲於簡策而又并代降休且公且侯上嬪王姬出領方州者可得而言以刻金石曰君諱希先字某四代祖懷節皇給事中工部侍郎荆揚二州集無二字大都督府長史洛州刺史謚曰定曾祖祖昭歷司門度支二郎中衛尉太府二寺卿祖確歷左右衛左右金吾衛四大將軍太府卿太子詹事平陽郡開國公謚曰貞字定公至貞公皆銀青光祿大夫以至烈考怱仕至鄜集作麟非州刺史太子僕贈絳州刺史凡四代貴仕左曹二千石四衛九列副冬官尹東朝集作明非禮及功名恩深遠代脩其業鍾美於君君寬裕博學恭儉莊誠資性端直詞氣閑雅於經書泛為疏達而不窮章句於吏道通於理術而不求聞問自解巾至於捐館凡歷十一官無秕政無違德祇守家法奉以周旋仕於宮朝始為僕寺進洗馬

中允再為家令仕於國王歷濟陳蜀三府初為騎曹掾次為長史次為傅其初又為壽安丞後牧臨邛乃遷永嘉班宣六條撫柔二郡惠和所被夷越嚮方其在朝也以是錯之智王陽之道而滯於散地恬於久其剖符也仁恕受利而必易集作不苟簡奉法循理亦不細苛居三年以疾受代貞元六年冬十一月没于鍾陵集作林非之私第享年若干明年八月返葬于長安少陵原之舊塋以夫人末年郡主祔焉禮也惟郡主玄宗之孫今皇帝之從祖姑也儲是慶靈生而洵淑窈窕德象婉婉聽從備柔嘉之行成肅雍之道初天寶十三年詔選資地才令以府君有安仁武子之美而下嚴嫁焉齊薌以主中饋和樂以宜姻族作配君子禮同家人嚴祭祀服澣濯者三十六年而歿春秋五十八歲貞元五年也鍾陵之守臣以聞上不視朝率禮有加嗚呼以

公之率履永年之仁淑宜其繁祉壽考子孫繩繩而生不
極其道歿無主其後此伯道之痛碩人之詩所由作也遺
命以兄之子某為嗣乃列其祖代官伐請刻豐碑辭之不獲乃繫辭曰
河東右族蕃衍紹續代功世祿昌而熾兮乃生永嘉剖符
承家實而不華論於義兮二邦靜謚禮之善物朱轡赤第
亦為貴兮有齋永年作儷仁賢佩玉鏘然四德備兮天漢
之尊平王之之孫爛其盈門恭祀事兮返被玄壤少陵之
上終古悽愴金石識兮

文苑英華卷第九百二十四

登仕郎胡柯鄉貢進士彭叔夏校正

文苑英華卷第九百二十五

碑八十二 神道四十三

職官三十三 長史一

周隴右總管長史贈太子少保豆盧永恩碑一首

唐同州長史于文珽碑一首

唐齊州長史裴府君碑一首

周隴右總管長史贈太子少保 本傳及碑中止豆

盧公神道碑 庾信

君諱永恩字某昌黎徒何人本姓慕容燕文明帝旣之後
也朝鮮微子之封孤竹伯夷之國漢有四城秦為一候其
先保姓受氏初在柳城之功開國承家始靜遼陽之亂自
天市皇妖連津兵覆尚書府君改姓豆盧筮仕於魏祖代
左右將軍魏文皇帝直寢父長少以雄略知名不幸早世周
朝以公兄弟左命義存追遠保定二年有詔贈柱國大將

軍涪陵郡公是知春雨潤木自葉流根西伯行而疑推存
及歿公以山岳精靈星辰秀異氣侔鍾鼎聲感風雲觀於
秦兵尚稱童子對於楚戰猶在青衿太祖文皇帝乘時撥
亂奄有霸業穎川一作昌從我舊愛無望春陵故人相知唯
有普泰二年關西建義授殄寇將軍奉迎大駕賜封新興
縣伯邑五百戶開新安之郡還移楊僕之關解弘農之圍
更入劉昆之郡援桴併轡並預前驅大統三年有沙苑之
戰四年河橋之役介冑蟻虱戎馬生郊公應一作靈變愈長
風颭更勇隱若敵國強人意授龍驤將軍中散大夫八
年授直寢右親信都督尋轉大都督加通直散騎常侍十
六年授使持節車騎大將軍儀同三司魏元年授驃騎大
將軍開府儀同三司鄧鷲以漢朝親戚始授中台黃權以
魏國功臣初登上將公頻煩寵授朝野為榮三周書二年都督

成州諸軍事成州刺史尋加侍中外惣連帥振威百城內
恭常伯榮高八舍于時隴坻黠羌特穿上谷榆中羣賊或
聚漁陽公卷甲星馳長驅千騎迴洛兌徒望風草靡瓜州
豪傑束手歸軍魏後元年改年改封龍支乃絕畢郡也縣侯
三年朝廷使大將安政公隨突厥一有天吐蕃一作谷渾歸國河
鄯二州屬當路首公領騎八千以為戎防南通丹粟西望
白蘭關塞無虞公之勲也周元年授都督鄯州諸軍事鄯
州刺史其年改封沃野縣公增邑千戶二年授隴右惣管
府長史武元武年都督利涉汶三州諸軍事利州刺史領五
千兵破文州揚陳蠻仍平瀘水以保定元年一有遣將兵破
巴州柘橈獠度瀘五月葛亮有深入之兵長坂九迴王尊
有忠臣之路霜電不驚水草無乏天幸將軍斯之謂矣其
年授司會八法斯常九賦是均事惣歲成功恭日要二年

還授隴右惣管府長史公屢弼英蕃頻相大府北海入
朝仰以對問東平謁帝因而定禮遂使馬首懷燕不無樂
毅蕃臣擬漢或多因疑作叔元楚國公以叅和挹讓莊贊
樂推建國開都奄荒南服求以先封武陽郡三千戶益公
沃野之地朝廷以兄弟相讓不無前史推恩分邑有詔許
焉增邑并前合四千七周書百戶既而六氣相犯五聲相觸
靈壽不終遊魂且變薨於官舍春秋五十八周書詔贈少
保幽冀定相等五州諸軍事幽州刺史謚曰敬公禮也天
和元一作年二月六日葬於咸陽洪瀆州大夫墓樹以栢
諸侯墳高於雉嗚呼哀哉公資忠履孝蘊義懷仁直幹百
尋澄波千頃留心職事愛玩圖籍官曹案牘未嘗煩委一作
戎馬交馳不妨餘裕兄弟公侯國朝親戚宜春有湯沐之
盛濯龍無流水之機渭南千畝之竹尚懼盈滿咸一作陽

二頃之田常思止足立身則十世可宥遺子則一經而已
刺史賈逵之碑既生金粟將軍衛青之墓方留石麟乃為
銘云

朝鮮建國孤竹為君地稱高柳山名密雲遼陽趙裂武遂
秦分寶珪世胄雕戈舊勲名稱賓實言謂身文挺此含璋
降茲岐嶷有犯無隱王道正直唯愛唯敬承顏悅色枕籍
禮圃留連學植左傳策叅帷帳功披荆棘韓陣揮戈齊城
憑軾豹策乃建龍韜同啓校戰岐陽申威隴坻城壘盡地
山林聚米上馬論書臨戎習禮賈復開營廉公屈禮從容
傳會占對造請用此廉平終茲寬猛綠林兵息潢池盜靜
名振赤山威高青嶺去獸浮河飛螟出境災氣式隴毒水
侵涇朝傾地鎮夜落台星石壇承祀豐碑頌靈渭城前相
昌陵下亭須知地市為讀山銘

唐同州長史宇文公神道碑

楊炯

諸侯計功其銘曰仲山甫誠

集作誠

于百辟大夫稱伐其銘

曰正考甫恭于

集作於

三命所以揚其先祖所以示其子孫

上古之初刊於禮樂之言中年以降述於宗廟之祖

集作碑

文質既殊條流遂廣山河永配金石長存或旌原氏之所

或表滕公之墓觀百林之宇者孝廉之舊業於是乎不愆

不忘讀黃鳥之詞者文範之餘風於是乎可久可大公諱

珽字叔珉河南洛陽人也宇文歸之遠派宇文翰之餘秩

龍火

集作燭龍

晝夜於鍾山鵬雲南北於溟海自中州圯坼上

國崩離魏氏揚

集作志

其寶圖齊人弄其神器則天有成命

周維舊邦文王以業重三分昭事上帝武王以功成八百

陰隲下人車書混一於域中子第星羅於海內方於劉澤

乃

集作即

天漢之懿親足以曹洪即當途之近屬及其

集無此字

隋室遷鼎皇運握符固亦壇社仍存山河不替曾祖顯和

後魏將

集作冠

軍

本傳作冠軍將軍

朱衣直閣東夏州刺史車騎大將軍

散騎常侍長廣郡

本傳作縣

公

周贈使持節開府儀同三司延丹

緩三州諸軍事延州刺史周書有傳對揚天命保乂王家霍

去

初封冠軍周亞夫始為車騎剖符之重任在於六條建國

之榮禮高於五等祖神舉使持節驃騎將軍開府儀同三司

京兆尹柱國大將軍并潞

隋地理志屬鷹門

石四州十二鎮諸軍并

州總管東平郡都贈少保周書有傳材優輔弼業贊雲雷

晉則羊祐儀同楚則若

集作共

教柱國王章之拜京兆天子聞

其直言郭伋之涖并州諸童符其恩信考誼隋文皇帝挽

郎皇朝益州青城瀛州清苑二縣令鈞深致遠直道正詞

不汲汲於富貴每軋軋於日夕廣都蔣公琰非無社稷之

能太丘陳轅弓自有闔門之德公慶成孤矢氣襲芝蘭劍

赤山之精照牽牛於北列集作鼎則黃雲之寶入天駟於東
方資大孝而立身蘊中和而集作成德詞叅變化稽百代
之闕文學富圖書閱三冬之舊史司徒表察許之以括相
豫章處士禰衡目之以倚桐梓漆初任國子生擢第授道
王府叅軍兼鄭州叅軍事橫經太學射策王庭高陽才子
宣慈惠和之譽武公新邑濟洛河頴之間兼攝務殷叅卿
位重王微之任達國士升車劉簡之博聞中郎寓直秩滿
授遂州司戶叅軍事天開井絡地洩江源財集作才雄翕習
於外區棟宇相望於近甸戶子集作與為政知陸績於賦人
黃讜臨官識包咸於教子尋遷絳州翼城令大梁星野少
澤封圻城故絳以深其宮都新田以流其惡實惟繁劇載
佇循良魯國有司無擅徵之事南陽郡吏罷休沐之娛
州府狀聞鄉亭頌德亦猶禮讓之化綿竹於是乎作歌風

俗之移浚儀於是乎刊石稍遷符璽郎尋奉勅檢校鴻臚
丞本官如故環濟要略掌天子之符璽劉熙釋名表京師
之心腹是分麾節式贊王侯國信不差郊迎有序遷尚書
職方員外郎夏書禹貢辨其川澤周禮職方明其物土清
晨伏秦幾承題柱之恩開夜絜齊唯有張燈之宿詔除朝
散大夫晉州司馬尋遷長史平陽舊縣姑射靈山玉印仍
存瑤城未改習鑿齒之逢宣武三命而踐侍中管公明之
謁冀州四見而登別駕詔遷同州長史河西輻奏渭北膏
腴秦地之下邦漢京之左輔使君何以為政端右宜其得
人江統知賢直言則陳留阮宣子唐彬集作林薦善通理則
汝南黃叔度王祥糾合屈公輔之宏材荀羨逸群杜冲天
之勁翮享年六十有五以永淳元年六月二十一日終于
華州之別業嗚呼哀哉公元亨利貞文行忠信禮樂之君

子儒林之文人當在顏冉中求自是風塵外物友于之義
伯淮與季江同寢朋從之道鮑叔與管仲推財優游太學
之中籍甚平臺之下輜車就烈疑化洽於二集作同油軾當
官政成於半刺道尊德貴而大位不躋有志無時而天年
不永即以其年十月遷窆於鄭縣安樂鄉之西原嗣子某
官等詩禮預聞箕裘早學生賜盡其養劉殷積粟於七年
歿則致其哀唐頌絕漿於九月占白鶴相青烏鄭伯所封
有咸林之萊地晉侯所賂有河外之城邑其川渭水而玉
璜其鎮華山而金石杏習集作習習煥旒紛紜集作紛紜野田范巨
卿則素車來哭韓元良集作長則緦麻設位大夫受梁鴻之
命終陪烈士之墳妻子從田豫之言竟託神人之墓集作冢
嗚呼哀哉銘曰
國自集作有東部承家集作承北平遂荒中縣奄有神京時逢

田薄運改天正二王之後三代之英其惟宗惟祖有典有
則大魏將軍隆周柱國於穆顯考其儀不忒禮樂宣風閨
門表德其二五才鍾秀百福與賢蜀都集作郡曾子漢代顏淵
公之廣學其積如山公之大辯其流如川其三親則邴霍地
居周鄭人物會同歌謠鼎盛設官分職天子有命東駿登
朝叅卿軍集作改政其四江漢之流集作表河汾之都禮優懸榻
任重前樞集作驅六璽為貴皇天降符九州為廣益地開圖
其五平陽土宇下邳風俗秦晉閭閻山河軌躅緹油之化海
沂之曲始聽雞晨行復驥足其六龜長筮短吉往凶來賓朋
永訣徒御相哀華館無家集作象立堂不開青龍水曲白馬
車迴其七漠漠古墓郭門之路械械寒桐平陵之東天光少
日地氣多風凡物生而必死唯君令集作善始而善集作令
終其八

唐齊州長史裴府君神碑

李迥秀

蓋聞仲弓之德太丘播其英聲休徵之道琅琊闡其茂績
 是知利之所博非待殖材而貴名之所尊無假列爵而重
 若乃地兼崇祿門擅清華邁楊氏之五公冠張侯之七葉
 森森棟幹聞謝 之生庭落落瓌奇見常珠之照乘其於
 裴府君具之矣公諱希博字處實河東聞喜人也有若顓
 頊藁唐源於長流有若大費啓洪基於敷土后子保河汾
 之邑非子據沂渭之封千乘由其克昌三牢疑所以能霸至
 如司空領袖吏部清通勢壓八王名高百秩家風祖德亦
 何代無其人哉曾祖靜慮世系表作澄字靜慮後魏著作郎諫議大夫散
 騎常侍金紫光祿大夫汾州刺史謚曰簡儀刑雅淡籍甚
 當時業茂烝鼎功標彛器祖尼後魏給事中奉車都尉通直散
 騎常侍贈輔國將軍隨州刺史道著岩廊譽光朝右屬詞

留於騎省追旌彼

疑作被

於外臺父之

隱

按世系表希博乃之爽之子隱之乃之爽之兄

隋侍

御史上儀同三司駕憲二部侍郎扶風河南二郡贊治皇
 大僕司農二少卿武安郡太守始州刺史通直散騎常侍益州
 長史會稽縣開國男謚曰安望重摺紳榮兼出內寄隆咨
 岳任切象河八命尊其衮裳五等列於蒲輅公承積慶之繁
 祉稟中和之正性清光初迪照金玉於靈臺雅量甫成鬱
 松筠於識宇遠慕先王之道 繼通賢之德弘止水以待
 物仰高山以立身涯涘莫窺宮墻罕測談諧諷席業優學肆
 然則幽林之芳必薦於三閣井里之寶自連於十城解褐授
 普安郡丞轉蓬州別駕君山該博屈伏六安之丞仲舉峻
 清來從豫州之辟方義比德千載一時除冀州南宮縣令兩
 河舊殊常之地中冀爲絕北之野毗俗昌阜政化大行肥
 耨廉問而識賢孔丘及庭而稱善徒羸州樂壽縣令羸

壻之境風襄所接人民知方不言自理稍遷雍州鄠縣令
王畿之地帝京是屬子羽捨困於櫟陽無伯祈星於緱氏
廉能之化復如在昔拜齊州長史歷下咽喉華泉襟帶州
將欣其四見王化合於萬里公銓藻品第股肱拜國百姓
人安一變鄒魯奏課連最已申考功之名奉計京師遽有
永明之拜既屆郡邸遘疾彌留上藥難逢莫觸疑作觸二豎之害
中使罕遇不賭十全之術以永徽元年三月四日終於長
安春秋六十三逮景龍年中續戎常錄禮穆王姬以公嫡
孫選尚主之故乃下制追贈使持節商州諸軍事商州刺
史魏后悅平叔之才晉皇貪司空之族寵成外館榮被宗
樹惟公 邁不群風韻彌劭澄清內湛英華外發辯瀉言
泉韜光於若訥之旨學該書圃悔跡於惟疑之地惣六藝
之隱輿括百行之樞機質負珪璋門維軒蓋祖孫流譽聚

潁川之德星鄉邑稱高載平輿之月旦威儀棣棣聲望雄
雄猶鄧林之徒植若咸池之疏派公之宰樂壽也既去之
後吏人追思美政遠爲立碣不其頌謌無聞於刊勒掄次
紀石止事於身後歷職著稱皆比類焉夫人京兆常氏贈
扶陽郡夫人祖恭故上大將軍隨州刺史建安公父在基
故緜州別駕龍州刺史殷伯兆其緜構楚傳開其茂緒朱
紱隆可疑及之暉黃金著經藝之績夫人笄纒式典遵寢門
之雅訓區盥有行叶冝家之縟禮言容孔備圖史聿修董
萱是奉蘋藻無置加以深悟空寂大闡迦維究隨順理開
決擇分六姻景行九族式瞻有婦德焉有母儀焉以乾封
二年十一月二日終岐州司士官第春秋六十七粵以景
龍三年十月二十六日合葬於咸陽之北原禮也嘉耦是
合未窮絳縣之壽同穴終窆遽開京兆之阡勅萬年縣令

盧齊卿監護葬事并給帳幕手刀羽儀鼓吹仍送至墓所贈
綬制莽疑率禮加於茲日輕車介士盛儀方於昔年有子
六人長曰思進位隨州隨縣令贈蒲州長史太僕卿次曰
思約位榮州威遠縣令次曰思禮位宋州穀熟縣令次曰
思政太學生次曰醫王位太子僕少曰思文太學生荀氏
八龍且知慙德東萊千里不足方駕懷仁服義海內所推服
曳組簪纓朝中歸美並父從運惟未及上宅風煙銷歇霜
露霑濡嫡孫異鴻臚卿駙馬都尉上柱國魏郡開國公行
極天經才為世出門題金榜家振玉簫雕軒綉轂結轍於
平陽之第青巾紫綬交錯於沁水之園當年之盛如此永
慕之心如彼夫計功稱伐里藹於舊聞勒銘刊頌義炳乎
來裔豈可使拘櫟靡述衛鼎無聲爰訪世親俾叙鴻烈其
其詞云

惟霍之鎮積玉含章彼汾之水神昇歆光豈獨靈異亦誕
賢良培風直上簫影高驤家聲祖德川流岳峙家聲伊何
載於國史祖德伊何冠乎人紀翕習交映芬芳不已公之
生也克壯其猷勝衣志立弱歲名道華如琬琰絕代莫儔
郁若蘭蕙亦孔之休如登之堂月將日就詞高文苑理窮
辨囿研味風騷搏檄斗籀一日千里一年三秀筮仕之班
應務揚歷為邑累課列郡成績忘其伎求晦茲矯敵令問
令望知柔知錫疑作如錫藏舟易失傳疑作薪不停未聞九
轉俄愴百齡功著口實德範朝經安仁願誅子玉思銘黑
水西流黃山東出季武成寢滕公見日煙隧蒼茫風林蕭
瑟人世雖謝德音可述

文苑英華卷第九百二十五

登仕郎胡柯鄉貢進士彭叔夏校正

文苑英華卷第九百二十六

碑八十三 神道四十四

職官三十四 長史二司馬

揚州長史王公碑一首 果州長史李公碑一首

桂州長史程府君碑一首 梓州司馬楊公碑一首

溜州司馬鄭公碑一首 隴州司馬楊公誠碑一首

揚州大督府長史王公神道碑 蘇頌

生甫及申思皇多士必訐謨以亮采惟肝蠶幽贊者不曰才乎若蘊其才居其業奉丹霄之下濟辭白日之中辰者不曰命乎霸城王府君諱某字某爰事英主皇皇我神武

金疑期寶臣籍籍我公輔及揮綸翰秉刀尺宜其尹天下

登宰衡雖克揚其休而不踐厥位何也府君之始魏安僖王弟信陵君之績秦滅魏謂之王家者遂命氏焉其後世居霸城族著京兆故得魏藩公子錫胤稱宗是猶齊國大

夫因昌保姓况神臯之表裏形勝俊城之相承紱冕固侷
卓犖為龍光五代祖熙西魏尚書令贈太尉相州刺史
扶風公紀于周史高祖明遠隋雍州大中正弘化郡守司
金上士銀青光祿大夫書大旂勒大鼎倚那成績繁衍重
世曾祖壽隋州都七職主簿隋氏淪胥煬皇版蕩竟全孤
竹之標不敗幽蘭之芳祖喜唐世系
表作詰皇朝晉州司倉參軍同州
河西縣丞父慶趙州房子冀州棗二縣主簿文秀儒雅諳光
鏗跡雄雌之歎則聞鸞鳳之栖未遠公八歲工詞賦十五
讀典墳十八歷涉代史十九初遊太學二十升甲科三傾
五城一日千里諧選部冊天門出九流之先當萬夫之特
授亳州城父尉且未光也無何棗強府君不祿毀將形骨
扶杖於家者三載哀不絕聲倚廬於墓者六祀古曾子死
事之終今老萊生事之極思捧檄以盡養顧瞻疑裾而足

耻庭闈何適有南山之隱路黌塾不倦有北海之儒門教
子弟學成志立蓋云十數而府君雲卧林栖傲然肥遁迫
於從父之命就以賢人辟授華州華陰縣尉復冊甲科轉
京兆府美原縣尉換華原丞廉問之舉屈為之佐殊尤之
薦用冠於首擢拜左臺監察御史王憲斯執國刑不紛一
歲遭內艱如在先考之感禫闋制復舊倖臣左補闕何輝
圖怙勢作奸頗盈罪惡府君言正色莫避權寵簡墨條
奏當朝允之遷殿中侍御史無何拜尚書戶部員外郎轉
祠部主爵考功三郎中班有教謂之安國有祀謂之事則
人祗之政罔弗格邦有等謂之爵國有功謂之賞罰之
每罔弗齊自非貞迺應物敏於成務疇能振景拔萃川淳
岳立主上旒冕而思一以寰宇腹心特重其掖垣故近密
委於侍臣緝諧連乎小相拜給事中轉中書舍人剽犀兕

者其議可以斷割賦鷓鷯者其言可以遠大況天詞往復
形於中旨人望虛佇期以上台姑試之劇備觀周美遷兵
部侍郎回翔要津拂拭夷路消長容其正忠邪順其直式
昭者有畢力之師彛序者無曠負之人以東南封圻淮海
殷雜雖陸攝水標填于委輸而風果氣銳懲以剽輕臣鎮
何有繫公則賴乃出爲揚州大都督府長史陽秋信風雨
若不競不絀有綸有要化之爲最理念于茲嗚呼景命不
融流年孰返以年月日遘疾終於府之官舍享年六十府
庭颺戀閭巷聚哭攀舟楫以噉越江關之重複名流常化
雅俗追嗟嗚呼以爲當代所歸禮謝於陳在豈謂逢時共許
愛深於產卒夫靈龜明鏡可以決疑駟馬拱壁不如進道
牽於彼則疑已釋存乎我則道已用府君是以寘毛髮之
愆懲膏肓之疾加以博聞好古精義入神有夫子之文章

得吾家之書籍焉或寫或繕海富山藏嘗工篆體間以琴
德不耀穎而好事者珍每成聲而知音者嘗疑作身歿之
日所纂集二十卷自彈琴凡數張俾後代美其華旨其實
垂芳塵之菴藹採嘉頌之洋溢其高致歟粵開元十五年
龍集於卯仲春日辰卜葬於京兆咸陽洪瀆原禮也周之
董原漢之槐里丹碑已刻青攢成行子八人長曰宥次曰
寔並行齊曾閔聲軼元季徵昔有八子之名喪有二連之
善府君之仲著作佐郎敬從者季太廟丞擇從者敬也瑚
璉之器擇也金玉其相稱之真披文之實託吾人早遊學
序曾比義於青襟晚哭寢門匪致能於黃絹辭所不獲強
爲之銘曰

高惟雍兮大曰京遷王氏兮着霸城或公或侯散珮垂纓
子子孫孫府君挺生其德有必綜才無不括勝情風翔偉

量河關帝曰俾又求賢如渴公其衰然藏器以達其二才疑

清憲清憲攸歎四趨光明光孔彰並躋雙掖雙掖忠益

皆掌二柄二柄方正其爰迴藻司迺莅揚都政既成矣公

當邁乎輔我皇極奮于天衢柰何不臧違世而殂其世閱

人之不息兮人違世之遂即獨四塞之山川兮盡千年之

封域噫古之不朽詩載是力撰懿圖芬兮清深廣直其

故果州長史李公神道碑 張九齡

公諱仁贍字某趙郡房子人其先自段干木至栢仁侯皆

以醇德茂功奮于上世始於藩魏終而將趙其名不墮遠集

濟于今五代祖後魏中書侍郎始豐唐世系表同此懿公璨璨生

徐州刺史始豐慎公元茂元茂生趙郡太守府君諱鳳昇表作子

鳳昇生駙馬都尉直閣將軍府君諱道宗道宗生齊尚書

兵部郎中府君諱山壽公即郎中府君之子仍世致美在致

邦攸宜故我公稟靈中和履道元吉以學則深其奧旨見

聖人之心以行則踐其嘉言合君子之度以故動為人譽

名乃曰懿義府孔修德輿云遠固未可量也隋大業中舉

孝廉洎唐興調棣州司戶參軍慈相二州惣管府戶曹參

軍宜州錄事參軍莫不事人以直友身於誠處卑能安敬

長則順故光輔郡將周爰我咨自州徂州或嘯或諾既而

遷金鄉晉陵二縣令敏集精作識以庀事善教以長人四封

用孚三英以粲彼蒲輿密獨何青焉以課最遷歸州治中

郢州司馬加朝散大夫行果州長史盤桓參佐未復公侯

道非吾行德不集無作必貴遂以沒代豈命也夫某年月卒

于官舍享年若干及喪至自蜀而葬不歸趙乃卜宅於許

封樹汝墳子孫遂家亦既重世至開元中公之孫曰察以

古諸侯之祿奉先大夫之祀晝遊本郡輝光前烈非清白

以遺善慶之餘保艾爾後人亦何以臻此於是履霜爲感
恭惟春秋之事刻石是圖俾揚祖宗之業斯善繼者也叙
而志之銘曰

長史英英作爲世程動合雅度休有令名必之入官從事

而昇

集作九

以之佐郡爲政孔明悠悠上天曷不貴德終于

參佐孰云邦國孝孫其昌餘慶乃彰宰

集作冢

樹蒼蒼徽音

不忘

桂府長史程府君神道碑

李邕

觀厥品目異等業尚獻臣天與才名神福壽考而中留官
序小往代艱位不極乎多能績未宣其利用哉駿翮韶良
工悲聲起於絕絃泣涕形於抱玉自傷楚老豈獨公明而
已哉公諱某字某廣宗新安人也其先出自顓頊重黎之
後周之休父入爲司馬漢之不識擢居衛尉至若已哉

昱輔魏主嬰立趙孤捧印以納忠殺身以明節精誠發於
寤寐義烈冠於人倫且其貽謀克家寵光形國業與時並
名與功偕者也五代祖響府君陳襲重安侯隋蕭縣宰四
代祖育府君隋車騎將君曾祖皆府君隋涿郡主簿大父
弘府君皇朝安陽令考大辨府君泗水六合二縣宰撰東
征記兩卷藏之秘省莫不託宿元德從事老成典學積於
蓬山能賦秀於詞苑府君令始家則光有國庠博通全經
悉數賢行孝曰曾子文似相如下筆不休遺言無擇陳平
長者把臂每多田蘇好仁引繩相重解褐徐城尉始足下
也蘆應五臣昇弟遷宋城轉櫟陽簿王畿政重帝告事先
握札雲飛聽訟風靡載擢來庭長安二赤縣尉擢銜御點
夙駕承天驚暗若神應對猶響籍聽擢左臺監察御史仁
克寬文無害耻爲諛劾雅欲優閑朝廷許之轉詹事府司

直歷城門郎長社武進朝邑曲沃好時雲陽宰六縣皆代工
開化順時布和慎簡里胥周省條簿其清水鑑其坦砥平
從心術以外形隨手妙以旁發人樂所政俗勸古風載遷魏
州司馬靜守憲矩審喻案察官師有章人吏不黷疑作屬
后族黜免徹嗣姻連奏引諫書醜詆宰輔選其頗正其奸
賊志士寒心明家質首左遷府君饒州焉謫子昕崖州舍
城尉俄轉府君挂府泊島夷干誅天師問罪憑險毒送死
阻兵昕乃不俟檄徵自捉銳陣挺身而當矢石拔面而覆
寇讎馬旋泥中人走岩下憤氣雖作救兵莫臨劍交於胷
戈達於腋其命則殞其目不瞑嗚呼爭首謂忠供用謂勇
倉卒歸盡零落無成有感路人愍悼慈父沉悲生疾積痛
傷年猿堪斷腸烏可銜木人非命也天何問焉以開元十
六年十月五日奄徂化於官舍以某年月日反葬於某

原舊榮禮也夫人廣宗潘氏封某縣君即銀州刺史寶勳
之息女柔慈孔嘉貞淑丕訓是佐君子宜偕永年桃李早
零相松同附子皓曜曦等並才彥惟有名教克開優翰濬
墨之場造次仁義之域宅憂殆滅追孝有望匍匐昭親哀
迷紀石邕以披顏友道列坐詞人談笑未終存歿相訣情
也有慟涕之無從雖不工於文將達於意其詞曰
曾源積兮流彌長高闈慶兮齡亦壽命不泰兮時未將何
寵祿之中否徒政理之孔臧坐踈屬之嬰累重愛子之飛
章遭一門兮二謫備周歲兮兩喪寄永懷兮身後唯沒代
兮名揚

榑州司馬楊君神道碑

陳鼎昂

君諱越諱復珪弘農仙掌人也其先帝高辛氏之裔周有
天下晉受其封至宣公伯喬早基揚國若乃彤弓殊矢玄

鬯赤第則禮命之樂歌之崇天王之寵光保元侯之福一作社其後十六世一作有揚寶者天錫黃鳥授以白環若曰

令君子孫世登三事迨震秉靈勳四代五公烈光照于漢室盛德充於海內金圭銘鼎至今為弘農世家高祖椿魏

尚書右僕射開府儀同三司徒公進位太保加侍中給復後部鼓吹致仕歸邑賜安車駟轉馬傳制三一作人可謂

國之元老帝之師臣功成名遂社稷之寶曾祖思善齊通直散騎侍郎贈中書侍郎祖敬通鎮遠將軍鄭州治中邛

州別駕父君同隋蒲州芮城縣令皆國書舊史列乎名節公即芮城府君之第二子也少而冲巖苦節貞素家無玉

帛室有琴書聞少連之風而悅之庶乎身中權行中清上以際乎天下以敦乎物不應州郡之命有金玉之心常嘆

曰以明珠彈千仞雀吾不能也是觀寶龜之象心滅采頤探金虎之爻志在幽履遂去家道于嵩山經十餘年丹仙

白雲之志眇然矣屬太宗文武聖皇帝初臨天下物色幽人焚山榜道網羅遺逸君子若曰天下有道可以見矣於

是始以角巾應命褐衣詣闕陳大道之閑謩論至言之闡奧四學一作帝曰俞爾言乃可底行若歲大旱用汝作霖雨

今南山近塞北漢連胡石州邊烽皇化未謚汝往欽哉輯乃人禦乃敵以息匈奴之患始解褐授石州方山縣令樽

俎在堂干旄在階布大信於獯戎示折衝於衽席威名震懼乃升聞也有詔一作勅授憲臺監察御史繡衣始拜珥

筆升朝臺閣以之生風豪貴由其斂手又勅授中書侍御一作待制未幾又遷秘書郎直中省如故遊鳳凰之池觀蓬萊

之府是天下之榮踐也又轉宗正寺丞居歲餘帝思南史之才將崇東觀之美又遷起居郎加騎都尉龍朔中天子

將觀兵於東夷以復先帝之業凡居中者多出守旁郡是
歲授公朝散大夫除冀州司馬同知州事于時天下雖韓
而雄魏壯武帝行疑而柔文公始厭承明出臨外郡探丸墜
而犯禁崇奸欲嘗朱博之能以親疑作觀冀遂之政公深鈎潛
往英機立斷短服楮裾於是乎理麟德中兼授梓州長蓋
在華之南區彭之北鄙豪俗侈靡政削公緩一作暖攢六國之
遺毗雜三巴之中壤公下車問道觀風立政先之禮讓教
以詩書抑浮窳禁冗食堂叩鍾磬家擅山川莫不爲之節
制行其典禮來暮之頌復起於斯時高宗大帝方接千載
之統升中泰山玉帛雲趨朝者萬國預陪金蹕拜侍瑤壇
白雲既封皇慶斯洽加朝議大夫餘如故太山旋命御駕
來歸殷楹夢奠遇病一作疾薨於官舍時年六十四嗚呼哀哉
遺令薄葬不藏珠珍孝經一卷堯典一篇昭示後嗣不忘

聖道即以某年月日葬於西嶽習仙鄉登仙里西麓遵遺
令也嗣子嘉賓等哀號泣血柴骨藥心緬惟罔極之恩思
崇永錫之道以爲吾丘于役無助冥因季由之嘆空勤負
米於是考羣聖之典擇衆妙之門求所以昭報幽局贊祉
冥籍則云金仙茲救寶手來迎若德崇於此則功濟於彼
是用歸誠負諦祈祐能仁箱疑鐵圍而寫容描一作祝金蓮而
得象於登仙麓之瑩則造阿彌陀像一區座高三丈并衆
變菩薩天人畢備全金湧出衆寶裝嚴雲仙鬼神周羅上
界珠幢羽蓋圍遶中天蓋所以丕顯尊靈光昭惠業達人
之事畢矣孝子之事親終矣銘曰
巖巖太嶽澆澆長河歆雲滄霧涵靈貯和陽侯之國宛其
中阿子孫瓜峽軒蓋駢羅四代五公自于伯起蟬聯處懿
令問不已二千戶侯三十刺史廿濟其榮至我君子子哉

君子皎有令光不寵我組而括其囊洗心巖道抗迹雲翔
冥鴻來遠白駒在場解我薜蘿縮我墨職邊朔多虞獫狁
孔棘之子之往允威允德干旌在階烽火罷色行行駉馬
繡衣之光烈烈董狐司史之良而我君子愬其徽章出同
嚴助政穆王祥雄魏既康魏蜀猶侈擾蠻言邁題輿載理
尺兵允戢麟繩攸靡天子登封拜服玉趾大禮既畢西歸
遲遲歲亦秩止天不憖遺嗚呼毗吏呼涕連滌局其往矣
來暮歌思煢煢孤子棘心哀疚永號昊天眇泣冥祐蓮花
之國金池玉雷崇此香緣生被荷秀全金既湧衆寶斯裝
考墳其後叔瑩其旁香花園遶松柏成行千秋萬歲祚祉
無疆

中散大夫行淄州司馬鄭府君神道碑 張說

五岳可陟惟德也謂之崇高萬物皆化爲名也謂之不朽

若夫行欲蓋而德彰道無求而名立嘗聞其語今見其人
公諱某榮陽人也華州刺史襄城公偉之曾孫蒲陽太守
大濟之孫邢州刺史乾符集作獎之子在昔周王乾序九族
封集作邦懿親於鄭維曄鄭伯敬敷五教賦善職於周其後
蕃衍儒門光華士族威行西域名震京師入則天子授經
出則單于抗禮公揭日月表山川體氣之清淳納百代之
層慶越在岐嶷異於常童以旣冠帶遊皆長者初以門子
子宿衛解褐涼州參軍轉嘉州司士又宰鍾離當陽二縣
皆秩滿兼攝江陵朞月政不改俗官不易方群盜出奔遠
人來附其所處也入境聞愷悌之風集作聲其所去也扶路
有鬱陶之思非夫忠信以結之法令以齊之易簡以業之
仁義以肥之孰能順人如此其理者乎神皇玉冊受天金壇
拜洛頓綱而鶴書下闕門而群龍至公待制公車召議宣

室自以奇士承一顧之恩許其正人參四率之屬乃墨制
除太子右清道長史尋加中散大夫行淄州司馬負士元
之才於是拜職遇丘明之疾從茲挂冠洛汭閑居漳濱沉
痼優游卒歲福應愆期豈惟朋友之哭將見神仙之弔享
年七十有九神龍二年夏六月十五日終於洛陽之私第
冬十一月集作十月一日歸葬於滎陽之舊集無此字原成先志也
公執親之喪三年泣血以聞州里不亦孝乎先人餘業一
物不有以讓兄第不亦悌乎加以賑窮紓急陽集作隱德陰
施惠人由已反身待物是用氣類益親聲談載路善擊劍
好投壺盡五射之妙巧究六書之體勢此蓋行有餘力則
以多能位不充量天之命也有子曰博古曰博雅曰嘉慶
集作徵曰嘉徵集作慶曰嘉重生極其養沒過乎戚恭惟皇考
安宅雲丘盛德備乎集作于卑位家風缺乎國史伐石他

山寄哀詞客子產遺愛得無叔譽之言公業不亡實有荀
攸之歎式撰鴻烈垂之後昆銘曰
大君有命相公封鄭世執王政其後不兢為韓所并以國
成姓沉水截河溢為滎波荆山之阿勝氣實多高門峩峩
衮服委他倚嗟君子世一作代濟其美動如義市君成仁里
鳳集文史猿啼孤矢善政當官惟人所安救危極越勞而
不伐運大奄忽芳留形沒高壟集作隴下同既封深泉又重徑
無人蹤蒼苔歲濃哀哀丘壟墮墮淚青松

龍州司馬楊公神道碑

前人

公諱中集作至誠字某弘農華陰人也厥初生人為姬伯之
祖因邑命氏有楊侯之胤其後南陵奮而開國西漢盛而
移關門廬隱隱亘連桃塞之上碑闕巖巖蔽滿華山之下明
德之後世有人焉大王父隋直閣將軍岷蔚撫豪道五州

刺史邢國公諱貴大父貴左衛副率慈汾二州刺史靜公
諱譽考故常州刺史工部侍郎鴻臚卿金紫光祿大夫散
騎常侍太子少師贈開府集作無此儀同三司上柱國鄭
國懿公諱崇敬若夫家聲代業累德積仁故以克隆前統
光啓來葉矣公稟純嘏之粹靈漸軌物之名教端操以正
已崇讓以與人勵精以探道善問以毓德學無不達藝無
不周成童有傾矚之望旣冠爲宗匠之表年十三調太宗
集作常挽即尋補潞王典籤大夫門子執紼橋山王國詞人
曳裾睢苑皆一時之選也明慶中詔郡國舉賢良公對策
天朝無能出其右者遷太子通事舍人再舉高第徙國子
監丞坊監清流才地兼擇東朝束帶銀榜增華西序影纓
環林益潤高宗接千載之統嗣百王之業封岱岳禪云亭
稽于舊章俟茲通博乃除公禮部員外郎祠集作事克明

大典攸序建邦分職得人者昌吏曹居六官之首求郎盡
一時集作臺之妙又轉公吏部員外郎準的文昌羽儀丹地
丁太夫人憂去職公至行純篤幾於滅性雖杖經外除而
柴齋加等門人記其喪禮天子憂其死孝服畢授幽州三
水令曳尚方之舄鳴單父之琴志道不矜其大才勤政無
陋其小邑善聲溜於幽薈惠化在集作於周原又應文擅
詞場舉策試天下第一敷陳聖謨啓沃明主究天人之際
建皇道之極如有用我者其爲東周乎朝廷納賈生之言
排汲直於外乃拜公隴州司馬未及赴官遘疾卒於長安
之私第春秋若干王祥未施於邦政陳寔近疑終於邑長
位不克德其如命何神龍初中宗克復丕業格于文祖廼
睠從臣緬懷先正以公二子在章綬之列遂追贈公使持
節太州諸軍事太州刺史非夫立言不朽陰德陽報安有

貌諸孤而崇集作隆家既沒世而榮號哉夫人天水趙氏殿中

監武強公某之子集作女也受訓公宮作合君子言容貴於

國史德行循於法度六姻之內宗焉始有輔佐之力卒延

門戶之寄初公之捐館也九子呱呱哀緣喪位賴夫人是

顧是復日就月將徙宅依仁闔門成訓三十年內八子登

朝廷交虎綬之華門接魚軒之軫某年月日封梁國太夫

人景龍二年五月七日終於長安之延壽里間者遭家播

遷几筵靡託而今蒙國昭洗情禮獲申以先天元年十月

二十五日合葬於少陵原禮也第二第三子夫人在堂而

沒長疑子第八子夫人在殯而亡今並列於塋兆用嘉魂魄

長子故兵部郎中徵中子前武衛將軍泚永懷徽烈思勤

銘頌郎中昔嘗緒言意感延州之許將軍今復哀託情深

舊館之悲高跡難名短詞莫逮採諸故老恭存梗槩集無古字

其詞曰

昂昂揚君秉心泉懿大河靈岳含光毓粹學妙妍疑作研精

文逸思行為時範言為故事存蘊令德沒揚虛位慶善克

家哀榮乃備嗣姑稱妣敬事曰冀復有母儀千載一致貞

墳土壠同封此地芳烈悠哉金生碑字

文苑英華卷第九百二十六

登仕郎胡 柯 鄉貢進士彭 叔夏 校正

文苑英華卷第九百二十七

碑八十四 神道四十五

職官三十五 別駕判官附

高平別駕權幼明碑一首

曹州別駕張無擇碑一首

嶺南節度判官宗義仲碑一首

故朝議大夫高平郡別駕權公道碑 獨孤及

開元天寶之際玄宗始以八柄付三公由是台司得專其

廢置其中或因寵憑位 集作憑 寵固位 懼天下有異已者諸附離

之者皆出入三臺若公才令名以望見憚則稍稍優其俸

而黜其職故天水權公幼明由新安令為絳郡司馬高平

郡別駕而沒同於道者皆竊歎之是歲天寶六載秋八月

也沒後二十有二載歲次己未春二月返葬洛陽故塋夫

人新鄭縣君滎陽鄭氏祔焉縣君某官某之孫某之子 十

字集作某縣某
官某之孫其子

以仁儉好禮轉佐懿德柔明之風訓齊閨門壽六

十五大曆二年十月某日終于丹陽初公聚于博陵崔氏

生子曰驊而終新鄭以繼室生四子曰馱集作軼曰申曰器

曰舒舒不幸短命驊馱申器悉忠信好學善屬文位未顯

而令名歸之慶之垂訓之流也至是既卜宅兆驊等懼日

月逝集作逾遠後裔不知先人之德善謂及忝聲華集作鄉舉之舊

故使錄而銘之云公諱胤集作微字幼明隴西天水人也權

氏之先出于集作於顓頊其遠祖殷武子之少集作小子生而有文

在其手曰權因以權受封且受命集作命氏焉至周為楚武王

所滅國除其後有仕隴西者遂家于天水歷漢魏晉宋間

子孫世為都尉郡守至裔孫翼與王景略同佐符監官至

僕射翼生二字集作後僕射數世至景宣景宣生士玠並知名於時士玠生萬

萬春歷華州刺史封千金縣公華州生集作右領軍將軍

曰將文領軍生集作嗣永興令曰懷育公永興之嗣也弈葉

之明德粹氣叢乎其躬故融而為仁行播而為文學童子

時舅氏崔湜奇其文嘗謂有何無忌之似其鄉舉也考功

郎中蘇頲拔諸羣萃之中連尉湖城汾陽新繁渭南河南

五縣開元二年二月拜監察御史會監察太廟先時同集

會事者約相與偕赴及將赴祭約者有故不至遽不暇告

公曰人約我也豈可先已而後信受遂不赴坐是降為河

南府法曹君子義之初選鄰每歲孟冬以書判選多士至

開元十八年乃擇公廉無私工於文者考校甲乙丙科以

辨論其品是歲公受詔與徐安貞王敬從吳鞏裴肱李宙

張恒集作烜等十學士叅焉究所并獎皆當時才彥考判之

目由此始也于時天下無兵二十餘載縉紳之徒用文章

為耕耘登高不能賦者童子大笑公攘臂其間以仁義為

已任片言隻字動為學者所法時輩榮之而居家清方唯

德禮是杖潤身飾吏不過經術不矯持操以媚貴游三字

集作媚倖行威作福者忌之由士官徙而階不遷從法曹數歲

而後有新安之拜及至歷絳郡安平任愈踈遠安貞守中

一作中立未嘗易方虛舟其心與依升降春秋六十四而終蓋

道之行止與時不并論者以漢梁叔敬桓君山為比公所

著文二十卷其立言之宗趙郡李華嘗集無此字編而叙之矣

集無此字若世系事業則書諸斯文其文曰

咄兮權公有德有言忠恕廉清道直而溫行有餘力足言

斯文居高登續勤約是守與明與集作以信寔黜無集作不苟

跡居志申義彰身後冉政游學左詩潘誅風流遺烈足以

遺子九原與歸末由也已

曹州別駕張公神道碑集作故通議大夫和州刺史具與郡張公

碑神道

白居易

張之為著姓尚矣自漢太傅良侍中肱晉司空華丞相嘉

以降勲賢軒冕歷代不乏肱避地渡江始居于吳故其子

孫稱吳郡人嘉以孝悌聞於集作于郡故其所居號孝張里

嘉之曾孫裕在宋為司徒即公五代祖也司徒之孫儔在

趙集作是為吳郡都督即公曾王父也台州臨海令諱鷗即

公大集作王父也袁州司馬諱季集作孝績即公皇考也或以

人物著或以集作婚閣稱迄今為江南右族公諱無擇字

無擇未冠丁袁州府君憂廬于墓晝號而夜泣者三年矣

有靈芝醴泉出焉既冠好學能屬文從鄉賦登明經第應

制舉中精通經史科補弘文館校書郎調左金吾錄事換

一作授杭州錄事叅軍在杭州前後詰偽制補史者三十八

人駁假年侍老者三千人舉而正之人伏其明會劉幽求

來爲刺史舉課上集作上字聞詔授絳州錄事叅軍絳之郡丞

有主婿者怙寵侮法豪奪人利公數其罪露章秦之章下

丞相府丞相姚元崇奇之致書褒美尋改太原府功曹叅

軍給事中張昶爲江淮安撫使表公正直奏署郡集作置部從事

吏部尚書陸象先爲河東按察司狀公清白奏授懷州獲

嘉令在獲嘉以不如柔得人心以不吐剛得罪歸是左遷

鄂州司馬移深州司馬轉虢州長史時上方思理詔求二

千石之良者時宰以公塞詔擢拜和州刺史公在郡奉詔

條卹人隱而已不知其他無何水潦害農公請蠲

穀籍之損者什七八時李知柔爲本道採訪使素不

快公之剛集作老幼查密疏誣奏以附下爲名遂貶蘇州別駕幼艾

餘謝病歸老于家天寶十集作三字載正月二十八集作一日終于

東都利仁里私第十二載三字集作其字二月十二日葬于河南府

伊闕縣中里集作里原享年八十三噫公生天地間八十有三

年可謂壽矣其間當明皇帝馭天下四十有五年可謂時

矣有矣有其才得其壽逢其時然職不過陪臣秩僅至郡

守凡所貯蓄鬱而不舒嗚呼其命也夫公之文學常爲賀

知章賈彥璿許之公之諒直常爲李邕張庭珪稱之公之

政事又爲劉姚張陸推之夫以八君子之力援之而不足

以一知柔之力推集作排之而有餘厄窮不振以至沒齒嗚呼

其命也夫古人云道不虛行又云其後必有起集作連者故公

之子大理評事誠以節行闕于時公之孫戶部侍郎平叔

以才位光于國報施之道信昭昭矣不在其身則在子孫

相去幾何哉長慶二年某日平叔奉祖德揭而碑之

四字集作居易按集作據家狀序而銘之其詞曰

有木有木碩大碩大而長破爲楠棧疑作棧不作棟梁有驥有驥規術矩步辱在短轅不駕大輅嗚呼噫嘻公亦如之將時不遇我而我不遇時勿謂已矣天錫多祉既賢其子以濟其美又才其孫以大其門苟無先德孰啓後昆

嶺南節度判官宗公神道碑

豆盧誥

夫工文者或懦於勇烈善武者或昧於政理徐則失於斷疾則寡於謀至若文而有勇武而有政徐而能斷疾而能謀者公有之矣公諱義仲字義仲其先南陽人也高祖出宰榆次因家太原昔宋襄公之母弟教仕于晉至伯宗爲三卻所害州犁犇楚其子家于南陽以王父字爲氏公其後也遠祖均東漢爲九江太守累遷司徒六條分而千里雲行五教敷而四方風動厥有成績圖或不臧自東漢迄于聖代英賢間發史諱詳焉曾祖隋雍州牧鄱陽將軍諱

義國之選也烈考皇靈州錄事參軍諱良獻人之望也皆績戎前緒垂裕後昆秉德不回事濟其美公則靈州府君之仲子也允武允文惟忠惟孝卅歲失趨庭之訓絕漿有類於參乎弱齡喪倚門之慈泣血不殊於柴也曾未弱冠克自激昂不安顏子之貧遂投班生之筆乃慷慨而言曰文武不墜在人弘之遂從安懇順破魚海敗五城授上柱國又從哥舒翰破吐蕃收九曲前後討伐稠疊勲庸累遷將擊將軍左武衛中郎將暨乾元中秦州防禦使都督揚公公之懿親邦之碩德也懷郭有道之深識行祁大夫之內舉以公才兼文武德備剛柔表爲司議參軍尚賢也至上元初揚公爲同州刺史又表公兼韓城令當縣團練使任能也攬槍未攘獫狁孔棘旣因之以師旅又加之以飢饉寇盜蟻聚於我疆黔黎鳥散於他境城壁頽鄣戶閉隨

敷敷彼方望公如歲公於是完城郭充器械均賦欽峙糗糧城郭之完也則蠹長雲以倚天器械之成也則騰勁霜以撲地均乃則流人不召而來峙乃糧則軍士不戒而備農紳於邇商復于肆去其煩苛敦其簡易曾不期月而人知所庇解印未幾朝廷多之遷澄城令無何揚公拜御史中丞嶺南節度乃諮參公謀授以參軍時宦官呂太一怙恃寵靈凌虐神主前節度張林爲之棄甲公於是稽韜略演道法筭之以孤虛考之以風角潛軍間道克復舊藩甲士不勤而兇黨殲矣所謂不戰而勝者也乃大貢方賄丕叙歲績朝議嘉焉授大理少卿且監察御史仍充節度判官懋賞也棘署亞卿表其赤心而刺外栢臺柱史俾其白簡以正邦方將鎮翼南滇竭誠北關曜威靈於象郡布渥澤於龍川豈上天不惠降此大戾閱水去而不留藏

舟奄其長逝以永泰三年四月六日寢疾捐館於上京務本里弟春秋四十有二以其年五月十八日葬畢陌原禮也公之元昆曰夷仲早世而殞公之季弟曰昌仲爲光祿寺丞撫孤追往號慟靡及惟公禮以檢身忠以奉國其事上也敬其臨下也簡御衆以寬撫孤以義率性而仁愛及物因心而孝友過人從官之祿利散霑於踈屬承家之資產悉付於同生宗族之所嗟稱寮友之所景慕者也夫人昌黎郡君豆盧氏太原交城令元偉之孫寧州真寧尉廣洽之女也調諧琴瑟志厲冰霜施衿給繭作嬪君子婉孌淑慎宜其家人伯道無兒豈獨悲於晉史共姜誓已寧專美於衛詩痛失翼於凌虛思招福而遣有終願削髮禪寂衲衣空門愍幼女之未嫁抑深心而少止歲月逾邁陵谷有遷願播芳猷紀之貞石詵也不佞知其爲人哀彼譚公

念茲歸祔乃為銘曰

於穆君子問望不已文武並茂
孝兼美德所立為弈弈
韓邑嗷嗷疲人命公為宰厥政惟新
化所及兮小臣不帥
肆虐荒裔師徒不勤渠魁自殛資令謀
兮聖朝懋賞俾崇
乃秩卿月照庭臺霜輝質沐鴻休兮
天地不仁殲我邦彥
百身莫贖孰不興怨行之積兮孀妻孤女
魂斷骨驚爰紀
貞石永播芳名美無斃兮

文苑英華卷第九百二十九

登仕郎胡柯鄉貢進士彭叔夏校正

文苑英華卷第九百二十八

碑八十五 神道四十六

職官三十六 州官

趙州錄事叅軍陸孝斌碑一首

瀛州司戶李府君碑一首

趙州錄事叅軍贈齊州司馬陸公神道碑 張說

公諱孝斌字頰姓陸河南洛陽人也其先帝媯啓姓陳胡
立族敬仲之孫有齊國宣王之弟封陸鄉蓋命氏之所由
興也秦并諸國陸氏分適燕吳在燕者魏文成帝時東平
成王侯生平原簡王麗重世游美為國之華公即簡王七
世孫也曾祖彥昇北齊以文藝高選任祕書郎以至德表
所居號終孝里祖玄亮隋膺揚郎將父淳感盤桓利貞兮
招莫進同誌謀行謚為惠康自成簡至惠康 集無此六字 孝悌
仁義世不殞矣公誕靈沖和稟識高朗簡而中禮易而

達節篤學勵行著實飛聲文史者宗其淵府德行者仰其
墻因舉國子明經選絳州叅軍始州司法

一作德安
府法曹

其在

官也示人親其親長其長不苛察而小無廢不皎異而大
有成知常曰明常愴如喪親過哀因中風廢卧疾累年不
起楚邸肇封大羅雲逸雖沉痾未弭而僉望允集作歸授
楚王府兵曹叅軍實有躬賓之禮目擊儀形之訓府罷換
趙錄事叅軍以病去職聖曆元年匈奴入趙公危邦爲不
處盡室以行望河南而將濟至黎陽而疾甚年六十二十
月丁未終於姚村之逆旅歸殯於滏陽之郭北先天二年皇
帝踐祚以故吏贈齊州司馬惜哉用公之道行公之志上
可以序三光下可以平九土存則位不克其德沒則榮不
逮其身命矣夫夫人苑陽郡太君盧氏故岐山
丞元瑾之女恭儉之德備貞信之教興妻道母儀自家

刑國享年七十有六開元六年十一月丁未終於洛陽之
宣教里八年五月丙子合葬於漳北之神崗禮也初咸亨
中王師征遼公叅是軍事友人太原王守義遇疫於海東
路艱寇阻兵危勢急公獨顛沛致喪歸其井邑其在安州
也朝廷以公精達法理乃命覆囚劔南梁岐寃繫動盈千
百丹筆所詳十全八九其捨生徇義迺已施仁皆此類也
禮莫重乎飾終於是見其不朽矣善莫大乎餘慶於是知
其有後矣四子伯玉仲容叔獻秀良泣血銜恤視天若墜
俾予作頌式照遺懿銘曰

曠哉陸公覩奧臻妙文雅外炳清明內照從政本仁資忠
移孝不言而理正身作教才何富之命何負之居喪柴毀
遭疾棲遲垂彼雲翼落此盛時歿後榮進終延贈寵德之
休明位匪爲重嗟嗟千載賢士之寵

玄州司戶叅軍贈慶王友東平呂府君碑 張九齡

夫官雖序賢志道者不常有位才雖屈命福善者未必無
後子夏文學之達以為富貴在天于公決曹之平則云子
孫由我蓋不享當代生數猶奇流慶後人乎體乃用享之
會也則蓋有無集作焉公諱處真字處永集作東平人曾
祖北齊幽州長史府君諱贇祖隨貫州中正府君諱伽考
滄州清池令府君諱師昔伯夷在唐實典三禮四嶽仍禹
用平九州虞夏以功而建集作封申呂因邑而命氏惟時
厥後奕代丕承公正性之有家來直道之不充詘嘉勇退
之為集作德避近名之未善集作越在弱齡棲遲事外用
光本於藏曜履行期於滅迹不遠於仁行之斯至不苟於
義方之自正集作佐一郡而即安居九夷而匪陋始不然
者公何掾於東裔哉起家授玄州司戶叅軍晏如晏也

言旋初服遂從所好外物之槩不雜於風塵遠子之言唯
聞於詩禮所謂溫良淑慎無競伊人者歟天冊二年夏四
月遇疾終於一作家春秋五十有二開元四年冬十一月葬
於邑城西南四里原夫人北地傅氏祔馬夫果於立誠靜
以俟命力不足者則不疾運不至者則不憂物情之難及
我而易是以名利眾之所欲也公則澹泊之德義人之所
鮮也亦克蹈藉之如此而神不勞福不流未之有也有四
子長曰玄知今左威衛司戈次曰玄晤中散大夫使持節
鄆州諸軍事守集無此鄆州刺史次曰玄智左威衛執戟
次曰玄爽左衛長上惟玄晤至大官此其教忠有舊服義
無斃好爵是興集作餘慶所貽入為王門之長出居邦伯
之列屬恩推子貴名彰身後事有光於冥漢德乃發於馨
香三命為大夫百代稱先子孝理所賜邦族為榮開元十

七年有制贈公慶王友夫人贈河間郡君累仁集作之符
至是所驗惟神之鑒謂之不欺公之女孫曰東平郡夫人
冠軍大將軍右監門衛大將軍教海高公之夫人鄜州刺
史之女也冰玉相暉椒蘭同馥福由履於君子與吉集作會
於善人齊姜于歸魚軒暉以照路邨時之往熊軾殷其若
雷有車服而始大履霜露而追遠於戲食于舊德無念集作
爾之奉先樹之休聲有以見其歸美銘曰
赫赫我祖惟師尚父泱泱大風悠悠終古施于胤裔憲是
文武我美其濟我則斯取雖匪高位亦惟碩德我之友彼
夫之特既貞且亮宜語而默投足皆安緣身不忒峩峩積
善以善福後人昉嚮家慶煒煌宗姻瞻彼松檟集作之絲
綸今也追飾是爲先臣先臣伊何宜其有後志起所尚義
無所苟身雖既沒名豈虛受立德在茲亦云不朽

故瀛州司戶叅軍李府君碑

前人

君諱某字某趙郡房子人祖山壽齊尚書左丞相兵部郎
中父休贍朝散大夫果州長史世德所載見於先碑公懿
烈無忝雅有風度集作體和而韻絡之以絲性婉而文受之
以采故好學不倦而墳典必精慮善以動而規矩皆中悉
心存乎道義餘力見於文章人以美談日聞休譽弱冠舉
進士調補同州叅軍換瀛州司戶叅軍以素所履以施有政
居獲乎上往得其中無不嚴祇長史所嘉歎無不崇讓同
官集作年之所馱服宜爾戩穀光昭令圖如顏子之不幸豈
卜商之云命某年卒於官舍春秋若干公家世尚儉子孫
是式初先大夫之喪也清白以遺而果無私積高燥是榮
集作高而底有餘慶豈所謂不戀本達也無懷土以重
遷不傷生仁也無困財以遺集作祀夫然趙之北際何

必故鄉許之東偏亦云樂國故喪之歸也遠窆于斯及嗣
子察受教義方能纂德業服事華髮絜身清朝天子方差
擇其良惠恤于下由是解印少府剖符大集作州衣綉而
歸雖榮之在晝重茵以立而悲不建親結諸心形諸色孝
子之志國人所稱於是乎歸美以揚先讓德以示後蓋烝
夷之義也得無述焉銘曰

倬李侯世載德行時範言士則三英粲集作百夫特肥而
家華而國美無度命不融足云集作駿途斯窮子餘慶享
次嵩我不訓藹遺風

文苑英華卷第九百二十八

登仕郎胡柯鄉貢進士彭叔夏校正

文苑英華卷第九百二十九

碑八十六神道四十七

職官三十七縣令一

益州温江縣令李晃碑一首

原州百泉縣令李楚才碑一首

益州温江縣令任君神道碑楊炯

漢丞相之尊官大位乘車集作滿於十人齊景公之利用

厚生有馬盈於千駟羽旄冠劍縱金鳴玉疊其前苑園池

臺清歌妙舞喧其後崇高在於寵祿大欲存於食貨義然

後取橫玉帛以當仁道不虛行坐鹽梅而自得若乃時之

不與數之不通貴賤任於天窮達由於命左太冲之詠史

下寮實英俊之場稽叔夜之著書賤職爲老莊之地雖復

勢力以高下相懸尊卑以商周不敵孔宣父中都之小宰

幽厲多謝於陪陳陳仲弓太丘之一官公卿有慙於縣長

是以德成者上道在斯尊陶潛則安枕北窻言偃則鳴絃
東武抑揚足以儀四海顧盼足以破三軍代有人焉於斯

為盛

集作斯公君

諱晃樂安博昌人也其後因官遂家蒲州之

永樂天子念德軒皇為誕姓之源諸侯計功薛國在盟之後

西京執法則有御史大夫東漢循良則有會稽都尉任光鄉

里之忠厚任儼朝臣之鯁直益州

集本如此是按華陽志任文公智士在益州英華作淮陽非

從

事術數知名臨海真人清貞克已况乎東西海岱強齊九

合之都表裏山河全晉三分之國車馬雷駭衣冠鼎盛盟

書百代可謂功臣遷徙五陵實惟豪族曾祖顯祖熙考憬

並策名天天爵步人師懷素履之幽貞保黃裳之元吉張

家碑碣荊州有七代孝廉荀氏鄉亭頻川有八人才子君

外資剛健內育文明合千載聖賢之間鍾五行金木之秀

王恭濯濯春柳懷風和嶠森森寒松列

集作

景有曾參之

孝有史魚之直有子夏之文有冉求之藝先王德行固名

言而在茲大聖溫良亦顛沛而於是當朝一見許其王佐

之才行路相逢知

集作

其美人之贈解褐為家令寺主簿

天王太子之位赫赫前星天地長男之宮嚴嚴

集作

左闕

出身事主元良永固於國邦束髮登朝七鬯不驚於百里

秩滿授將作監主簿千門萬戶張華窮壯麗之圖東主西

賓班固致

集作

謳謠之實

一作

職

集作

掌宮觀是名將作

大司馬栢溫之府績用在於元琳

集作

大將軍竇憲之曹

文章寄於亭伯累遷右衛長史南宮左掖上將陪藩北師

門天軍列衛東觀漢記梁統有清白之名中興晉書薛兼

有恪勤之譽詔遷朝散大夫行益州溫江縣令華陽西極

漢水東流皆面通秦越之鄉大右夾巴涼之地風煙可

接懸車束馬之山雲物潛通織女牽牛之象神仙所宅則

有二十四居途路所經則有五千餘里金城石郭還聞上代之國富人安特聽中和之樂於是乎龍獨斷龜旒旁求品命千名封疆萬戶暫過亭長乘軒之望可知且詣中軍理劇之才有屬旌孝悌勸農桑省徭役存鰥寡所以一縣稱平所以百城尤最蕭育是杜陵男子不入後曹黃浮非鄉里所知不寬同歲洛陽行馬門士無心齊國池魚權家絕望鄭文公邵陵之縣但稱男女之名師尚父灌壇之鄉唯有神人之哭實謂樞機八座上下三階豈唯縛柱鞭絲操刀製錦巫馬期之任力弊起乘星鍾離意之悅人災生解土享年五十有九以儀鳳二年六月二十五日卒於官第夫人姚氏徵士神人之女也壽丘僊葉媯水靈苗定姚信之機衡審姚光之術藝明星燄燄不臨太丘之前莫雨沉沉不散巫山之曲婦人謂嫁白歸集無此二字是女子有行

織絰組紉棗脩榛栗南斗千齡之匣忽愴沉江北方三代之儀終悲共穴先以咸亨三年七月二日終於西京翊善里之私第越儀鳳三年冬十一月一日集無此字歸祔於永樂縣歷山之平原卜真芮之閑田帶關河之設險居人致祭同漢書作桐鄉有朱邑之祠恠力成墳葉縣有王喬之墓君燕趙奇士神僊中人容貌魁梧衣冠甚偉揚子雲之窮巷好事來遊段干木之閑居通侯展敬自陳力就列居家可移妾本絕於織蒲馬無聞於食粟原子思之後秩徧給鄉人孔文舉之中罇延留坐客加以偏集作備觀圖史尤精釋教夢幻泡電知一切之皆空園林貨財見三陽集作揚之已淨遭時集作時命屯坎浮生蹇剥佳人不再荀奉倩人之傷神赤子無期潘安仁之慄慄天乎到此命也如何及其瞑目少城歸骸舊壤平原古樹唯餘孺子之墳春露秋霜非復臯繇

之祀於是鄉隣作主服友麻撰德銘之於素表集作披
文刻集作之於翠石魯哀公作仲尼之誅天不慙遺蔡伯
皆為有道之碑人無媿色其銘曰

軒帝之族漢朝之臣西州智士東海真人豪傑天縱衣冠
日新實生其德必有其隣道在為貴知機則神氣衝南斗
價直西秦大蒙集作之信太平之仁辨窮非馬學究成麟

孝友為政觀光利賓重明比德少海為集作春宮室之象
南斗集作北辰甲兵之衛閭闔鈞陳山控金馬江迴玉輪

天文井絡地紀梁岷庭前置水甌内生塵園蠶有繭集作

野雉來馴時命屯蹇生涯苦辛寶釵虛集作贈玉樹長淪

厚集作德無輔清集作仁不親百年天枉集作一旦歸真

雷鳴集作之下長河之濱旌旃委鬱徒御逡巡悲風洎集作

泊起血下霑巾死而可贖人百其身

原州百泉縣令李君神道碑

前人

金城裂地之災玉弩驚天之禍蹴崑崙以西倒蹋秦山而
東覆三微歷數盡薰歎以聲一作沉萬國衣咸土崩而瓦

散是故殷憂啓聖聖人騰海嶽之符草昧興王王者受風雷

之趾集作則有思窮圖讖潛觀赤伏之萌識洞機祥暗察

黃星之兆天懸兩日詢去就於河宗地震三川考興亡於

柱史危邦不入亂邦不居剪荆棘而叩天門臨壇場而對

休命及其玄黃再造日月重輪功成而不居名遂而身退

南華吾師而親居賤識東方達人也安乎卑位然後武城

絃唱優游禮樂之中彭澤琴樽散誕羲皇之表雖杜當陽之

文武蘭菊猶集作存而薛孟嘗之池臺風煙遂歇悲夫死

生命也貴賤時也用之則行捨之則藏出處者君子之恒

務左右者君子之攸宜吾聞其語矣今見其人也君諱楚

才衛州衛縣人也昔繞樞神電軒轅氏之馭百靈貫月祥
星顯項氏之臨四海金科作範商丘有帝系之雲玉扎披
圖函谷有真人之氣由是公侯策命歷千載而彌昌鍾鼎
歡娛經百王而不替豈直將軍列位孫吳暗合之兵協律
富官天地冥符之樂若斯而已矣曾祖裕後魏東宮舍人
太子洗馬使持節徐州諸軍事徐州刺史燉煌郡開國公
贈兗豫二州刺史直城西望高闕東臨非無置驛之歡實
有前驅之寵瑯琊負海八門都督之榮至影頻河百代封
侯之貴大父昌北齊彭城王府中兵叅軍事隋濟陰郡丞
襲封燉煌公文場筆海炤爛等於星辰辯囿談叢鑑錡叶
於風雅九千里之丹鳳始踐王門七十日之黃龍初
階郡職考孝友隋晉州岳陽縣令顏回稱太平王佐一作
王佐月角殊姿仲由稱禮義霸臣星一作衡詭狀唐都晉

野有恒山太嶽之風墨綬銅章有錯節盤根之化若夫于
公之宅駟馬爭驅辛氏之門五龍齊驚英靈不已還當命
代之期將有後徵集作物相有徵克保承家之業東郊競日探祕
跡於機衡西蜀談玄測靈心於造化雄才壯思道九奏而
和八音殫一作廣見洽聞披五車而接集作請三篋加以興居禮樂
出入孝忠簡於一人備於萬物弓旌疊湊始命賢良幣帛
交馳載徵巖穴從微至著濫觴萌括地之波積小成高覆
簣漸排雲之構隋大業十一年補謁雲集作者臺散從負外
郎非其好也屬千三否運百六從年諸侯窺玉鼎之尊天
子厭金陵之氣蚩尤則命風召雨祭黠於中州共工則折
柱傾維崩騰於海縣能扶天下之危者必據天下之安能
除天下之優者必享天下之樂我高祖神堯皇帝所以從
人望宅靈心鎮集作振天關迴地軸鼓聲雷駭親張霹靂之

威旗羽星懸手握招搖之柄君冲情索隱妙筭知來候東

井而考前聞裂西河而尊故事挾三略之奇謀蘊六韜之

祕訣集作上略中略泰山石之奇義寧二年授車騎將軍

累加開府德肅五年遷右衛二十四府右車騎將軍仍於

邛集作州鎮守皇階甫闕猶勞尉侯之虛集作靈天步初夷

尚有風塵之警示之以文德陳之以武功所以夜集作外戶

不局所以重門罷拊六年轉仲山府左列南州集作巴舊俗

淫其日獸之嗣西楚餘眈背我黃龍之約王師直進陵劔

棧以長驅廟略遐宣指銅丘而決勝七年詔君討襲楓天

棗地金門玉帳之營方封圓著剡木弦弓之躬以此衆戰

誰能敵之以此攻城何城不剋雷出而星耀龍騰而鳳飛一鼓

而擒四姓三戰而平百濮大夫耆老非唯二十七

人拓土開疆豈直五千餘里返行飲至捨爵策勳焉禮也

其年加上大將軍賞口十六人并良馬一疋俄以爭功得

罪游俠從君集作居特降王綸遐遷騰府通塞有命潘安仁

之緒言富貴在天卜子夏之餘論無諧集作階封禪空歎息

於周公南絕望夏集作靈臺竟棲遲於漢北太宗文武聖皇

帝承聖皇之大寶奉天帝之休期雷雨八瀛光華四極旌

賢赦過惟新之命屢單念功簡勞惟舊之恩累洽貞觀元

年授長樂監仍命集作令於北門供奉宜春禁苑太液神池

浸石菌而湯波擢金莖而挹露南經丹徼恒陪萬乘之旂北

統集作繞黃山再奉三驅之禮當是時也穆穆焉煌煌焉濟濟

焉鏘鏘焉一陰一陽而有序自南自北而無外猶復中宵

不寐殷勤多士之林具景忘疲渙汗非常之辟十四年應

詔四科舉射策登甲第明於國家之大體達於人叢之始

終可謂宰相之璞集作朝可謂皇居之寶漢朝集作洛陽才子

已承宣室之談魯國儒生行踐中都之邑尋授靈州鳴沙
縣令累遷原州百泉縣令斜通紫微却負黃州涼秋九月
寒沙四面平雲匝隴處處而秋集作愁陰圓魄低開蒼蒼而
夜色君乘輜演教佩紱臨人德被三城風移五縣抽琴命
操還臨單父之堂擊石飛鳴集作聲即對重泉之學明以御
下將水鏡而通輝清以立身共冰壺而合照神行有感方
登玉鉉之階靈化無方獨歎瓊棺之暮集作墓春秋七十有
一以顯慶元年十二月八日終于官第君年十一丁外艱
朋友相哀家人不識昔稱曾閔今日荀何追古以來未之
有也隋東晉攝江溢見而歎曰此真可謂保家締化嗟矣嗟尚
者久之大業末年黃綱漸紊不掃一室自懷包括之心獨
嘗太函且忘名利之境于時魏晉進房僕射杜相州等並
以江海相期烟霞相許付同心之雅會訖刎頸之良遊

或閉戶讀書累月不出或登山涉水經日忘歸斯賢達之
素交蓋千年之集作而一遇洎塵埋五岳海沒三山辭殷而
奉周背楚而歸漢深謀遠慮即良平無以加也行軍用兵
則韓彭不能尚也數奇命蹇一作遂無望於高門日往月
來竟消聲於下邑情釣寵辱則萬象同歸跡混彭殤則百
齡俱盡浮生若寄大漸彌留遺誨子孫庶幾薄葬等梁鴻
之宅兆邈矣佗鄉符祭仲之高居依然新鄭唯仁與達君
其有焉存榮歿衰此之謂也即以某年月日葬於某原夫
人廣平宋氏齊尚書左丞士頌之曾孫隋建安郡司法長
文之妻文霜淒月瑩菊艷茗華淑閔秀於閨房柔風洽於
詩禮琴前鏡裏孤鸞別鶴之哀竹死崩杞婦霜娥城之泣
集作相長子金河府校尉上柱國輔仁等十輪方駕萬石
妃之怨駢衡窺上帝之真鈴入先王之用府楮蒼天而永訴血下

霈襟對白日以長號悲來填臆於是總麻執友素蓋賓朋
傳祖德於高陽考豐碑於太學庶使城隍一變猶知鄧艾
之名曰陵谷三遷尚識鍾繇之字其銘集作曰
玉斗之英瑤光之精巡河拜洛握紀提衡柱史論道將軍
用兵陸離簪紱弁葉公卿嶽牧騰譽弦歌有聲階蘭疊影
巖桂增榮山澤通氣雲表靈凝脂點漆月角珠庭白玉無
玷黃金滿籬忠為令德孝實天經朋友千里烟霞百靈琴
樽野尚松竹山情數屬群海時逢鬪星黃龍電震白騎雷
驚赫矣高祖元亨利貞聖人有作天下闡明自此提劍因
茲間行攀鱗北海附翼南溟水火之陣孤虛之營左提右
挈東討西征巨猾斯斬元兇載清功符衛霍思若良平自
滿集作知人損居中忌盈蕭條異縣坎壈浮生降以中旨賓
于上京陳書詣闕對問揚庭山連鴈塞野接龍峒暮月

而已三年有成波瀾不息箭刻無停梁木其壞高臺已傾
關雲斷絕隴鴈飛鳴頓雙鳧於萼葉縣躡駟馬於滕城

文苑英華卷第九百二十九

登仕郎胡柯 鄉貢進士彭叔夏校正

文苑英華卷第九百三十一

碑八十七

神道四十八

職官三十八

縣令二丞尉附

蜀州青城縣令達奚思敬碑一首

并州太原縣令路太一碑一首

瀛州河間縣丞崔漪碑一首

洛陽尉贈朝散大夫馬府君碑一首

蜀州青城縣令達奚君神道碑

粵以煌煌丹草非濟物之用而冊府書之粲粲白石豈益

國之器而史官紀一作記之况迺六義基身四維成性風調

百里雨潤一同動植俟之以滋榮人倫資之以和樂使仰

之者若日月敬之者若神明畏之者若雷霆愛之者若父

母而可謂盛德湮滅無聞於後哉君諱思敬字安儼河南

洛陽人也若乃二星分北掩龍沙以居宗六月圖南擅鵬

溟以爲大實一作實天命昌意啓我幽都帝一作宗封始均大
代一作雄弱水積六十七葉凡九十九姓豫鄰之代分爲諸
國兄弟七人各統一部天倫之盛達奚居上高祖遷洛有
志諸華思變其風多改舊族故達奚於後使姓奚焉周氏
沿革復姓達奚氏矣自茲厥後可略而言曾祖諱武字文
朝爲玉壁大將軍東道大行臺十二將軍周華二州刺史
雍州牧太師太傅太保鄭國公諡曰桓于時齊氏跋扈於
并鄴有遷鼎之宏志周人經綸於關輔當運斗之有功一作
元兩界交爭三軍遽一作及攻守之術應變若神戰勝之
方倉卒得妙由是天臺八柱分作宰牧之尊帝坐三台合
爲師保之貴大父叡太子左千牛尚輦直長于時高臺漸
傾曲池向平金玉滿堂化爲道德瑚璉入廟直接明神早
露先霜不登爵秩昭考諱孝茂皇朝滑州司兵叅軍湯州

湯縣令却負盧龍之塞

漢疑作漁

陽之突騎成風前疑飛狐之

門邯鄲之俠容交亂君水火相濟文武兼施巨闕之前訟
端自喪常山之下符彩生輝君則驪泉夜光虹巖朝彩籠
雲罩月之頽必由於尺葉遵江及海之浪亦經於寸源叙
用有階莫或不踐總章中以仁勇校尉守左衛率府翊衛
秩滿以文藝優長簡入吏部後解褐承奉郎行幽州新平
縣尉雖時以爲美心非所好故咫尺步之間無因騁迹也秩
滿停家積年授徵展駿足未超一作起前路辭滿之後遂以
丘壑爲心垂拱之初天命已改則天皇帝攝行君政心遍
區中採芳草於蘭澤省山苗於松澗迴留神陸沉隨方擢
善二年授高陵縣主簿以舊德起也屬西蕃不靜北方多
難被奏充牙道行軍司兵事不獲以遂即戎焉君設策
請拔碎葉踈勒于闐安西四鎮皆如所計謀存於我功在

諸人授之加朝議郎行蒲州司法叅軍事既表裏山河股肱要壤用之惟器選擬爲難君盤根錯節等庖人之遊刃發伏槌姦同郢匠之揮斲紫宸廼顧赤縣瞻風長安二年調補乾封丞矣疑蜀岷山井絡之分帝以會昌梁州與鬼之躔人爲繁雜相如之宅無復德音文翁之堂空餘陳跡人不見德年代以深舊稱難理斯焉是賴四年授蜀州青城縣令以人望遷之君下車布政惟誠待物舉義狀忠貶惡除盜或謂曰不廼闕乎君謂之曰前史有之舉有義者所以救貪汙無耻也舉有行者所以救廢亂失道也舉讓者所以救分爭也舉遜順者所以救橫逆也舉質朴者所以救離弊也舉醇厚者所以救殘賊也今若此皆有吾何已焉吾薄劣實荷榮獎旣承澆競之餘復當巧詐之盛若不憲章古道祖述前脩貞彼傾轍不遷其軌必也政成何望暮月遂

爲明科例自刑諸已以上善而苞荒用中而禁暴曾不晦朔闔境肅清剽狡潛散謠頌攸遠聲震錦城雙流爲之變色德充錦里八郡以之易心屬七廟靈長三光復道則天推位應天嚮明以加朝散大夫承國慶也將謂魯恭才識坐入司空卓茂賢明行昇太傅豈馳波易遠過隙難留遽沉連石之暉遂往懸碑之路神龍二年八月二十七日終于長安之義寧坊私第也惟春秋五十有九惟君少懷忠義以信分爲冠冕長好急難以然諾爲爵邑天姿孝友率性冲和虞仲寧學高德博而蒸嘗無主劉休涓帝室王門而裡祀不繼太夫人隴西李氏將軍該之女有行業每以此難之君夫人義興縣君蔣氏則尚藥奉御豈之曾孫太子門郎義安之女琴瑟友之同詠河州之竹蛟龍合矣共赴延平之津景龍二年十月十六日終于義寧里春秋

五十有一以景龍三年三月十日合葬于咸陽之畢陌原
禮也有弟二女道光柔順德備幽閑雖裁柳絮之篇未獻
椒花之頌適太原郭氏左衛武亭府別將長上如玉之妻
嚮宇端肅風神爽邁溫良日用忠孝生知束髮祈榮彈冠
入仕敢當仁於潘掾荷昔眷於戴侯爰託青鳥方崇白鶴
南瞻渭水庶見儀天之橋北望荆山長標鎮地之固其
詞曰

龍司北溟鵬翻南海地鬱靈氣天降神宰奄有諸華遂荒
章亥柳惟高祖正朔斯在兄弟之國七族攸昌親賢胙土
四姓斯光奚于陸穆衣冠紀綱西魏將末北齊竊號太祖
經綸玉壁是槁匪禁小賊用虞大盜累加重疑作秩每增優
勞守禦功多鄭國是報昏明遞運陵谷成災直長垂翼有美
且俛青松藹藹白雲皚皚施于易縣尉有楚才一作惟欽

若府君歷遊華渚整翮理翰嘯倚命侶風光融融靈青澹
滑道以濟俗德以禦侮龍飛中興明鸞上騰五方星聚六
合雲蒸朝興斯炳大夫如陵冀搏風而上征荷天衢而元
亨風叩京兆之郡日薄長安之城白鶴崇隴青鳥相瑩琬
琰斯勒存沒為榮

并州太原縣令路公神道碑 獨孤良弼

夫作德儲祉垂裕錫羨玄運之符也以爵馭貴顯親昭孝
國令之勸也然則道先於物者靈徵速功備於人者恩典
異恭厥命數考其慶端至哉太原茂業斯在矣公諱太一
陽平臨清人也其先帝嚳高辛氏孫曰玄元有功於唐堯
封路中侯建德賜氏公即其後襲興圖紀才不虛世迨於
隨也曾祖袞位至上儀同三司大長秋令文皇之建極大
父文昇仕至左光祿大夫秦州刺史中宗之紹復烈考元

哲官至并州榆次縣令惇忠淑亮異代同節公淵凝有志
度合尋表心順性命體形訓格至道可憐疑浮運可端造
融理極得天地之全者也始年八歲丁尊夫人艱自然崩
毀累日不食既孤無疑睦幼弟温慈誘勗息更氣時務於
勸誡者每推爲教本舉以誨人年十五讀老氏春秋精用
所得不爲虛學以先蔭補太廟齋郎歷衛益二州司功叅
軍思其官會其要雖波恒務有弘大猷所去之邦服其理
尋擢授并州太原縣令故相國河東公張嘉貞時典此郡
以公諫納今古風韻瓌朗嘗密謂所親曰雅道不隕今復
見於斯人由是有要託始終不隔公禮之分矣其實爲邑
之政潔其性源異氣齊和土壤可信出處語默無非教焉
及秩滿送歸之日老幼畢至瞻望嗟涕如去其親嗚呼運
及世期靈歸化本春秋五十七於歸途逆旅遘疾而終時

開元五年八月十三日也夫人榮陽鄭氏始州臨津縣令
方喬之女禮部侍郎温琦之妹清顯裔考明閨訓經理于
內止則是宣故得叶義純賢誕昭後慶後公十載而歿以
開元二十三年合祔於京兆府萬年縣少陵原從先塋禮
也有子四人長曰兼之撫州司法叅軍次曰梁客蘇州海
鹽縣令次日羽客鄭州別駕咸該蘊器藝殂命下位季子
兵部尚書冀國公贈尚書右僕射嗣恭啓應前休挺傑宏
表苞合文武爲朝碩臣城朔方清嶺表軋綱立西北之柱
坤位正東南之極夙敷惠術實德于人六專尚書再杖麾
鉞於是建國命爵崇廟饗靈寶應初始贈公同州刺史夫
人榮陽郡太夫人今聖踐祚遷贈左散騎常侍幽祿之恩
昭融上徹賁寵之位歷乎一作兩朝弘密之行光宣二詔
且夫體仁居貞含德自保大道之宗也福流來胤克昌大

業積善之應也貂冠具服位光近列揚名之義也邊豆有序饗獻以時罔極之尊也備茲懿典其可已焉建中三年夏五冊孝孫前祕書省著作郎應洎令弟懷州刺史恕前祕書省校書郎憑天釁崩心血哀過性楚蔡匍匐旌樹先塋式遵無念用彰不朽以良弼冀公墓府之舊見託書詞敢存實錄之紀以成尊祖之業其詞曰

於惟太原貞表峨峨含為淵鑑發為中和大道有本至堅匪磨雖求其約竟獲其多亂歲執喪自然知毀友慈幼弟已外之已作則三語為天百里雅器虛融時髦所隨名全上德壽闕下寮後胤斯顯天鑒孔昭湛恩被壤冥運登朝一命五馬再榮八貂東南之原歷世封交疑重岡轉伏對闕蒼聳山色靡移松陰不動烈祖之碑孝孫所奉

瀛州河間縣丞崔君神道碑 張說

蛟龍蟠乎沼無雲雨而不翔君子志于道無運命而不彰然則變化者是神靈之末富貴者非德行之本守其真樂其分不其至矣世有人焉君諱漪字某博陵安平人在唐為姜姓炎帝之孫也在周為崔氏齊侯之胤也遙源長發洪河之水接于天曾盤列秀太行之山拒于海東觀所以美其文宗北州所以貴其清族魏冀州刺史簡公諱纂君之高祖也齊散騎常侍諱缺君之曾祖也隋大理少卿諱世立君之大父也故和陽令諱抗君之皇考也承百代之隆慶惣五德之清淳孝友忠肅宣慈恭儉好古博雅隣幾亞聖盈而若虛莫而無象非夫入周公之廟升孔子之堂則憲章禮樂鮮得其門而覩矣弱冠以門胄入國學舉進士母弟汲亦以明經同年擢弟大理卿張公文雍人倫之表也目君曰昔兩劉並舉以為騁二龍焉今兩崔齊飛可

謂儀雙鳳矣搢紳景慕憧憧往來徙宅就居投刺成市若
衆流之赴壑也及親而仕盤桓利貞解褐澤州晉城尉降
爲光州安樂尉換蘄州黃梅尉轉河間丞凡更三尉佐四
邑體公綽之不欲勵伯夷之高操臨事以簡御人以寬雖
爲小政必有可觀故八使巡風再薦清白河上遺老江濱
舊吏吟詠餘聲祖述前事人到于今稱之若夫碧樹煙靄
於江潭紅荷藻耀於澤畔寶貝炯光於空浦美玉明潤於
斷岸不爲金集作與瑤輦之飾前殿後池之玩誠自得焉
必將有賞心之所歎也況乎殿邦光國之寶罇俎柱石之
器道爲帝王師言爲天下利已而稅遠駕於窮轍頓高才
於下位亦無憎焉固將有知音之所歎也垂拱元年奉使
上都遭疾終於時邕里之旅館享年六十有二夫人河東
裴氏湖州治中懷儉之孫滁州司馬防之女也稟訓華室

作合高門嗣徽先姑克和娣婦德容之盛圖傳罕有喪親
過毀葦華朝落儀鳳中卒於鄭春秋二十有八長安三年
春二月合葬於金谷鄉印山之陽禮也北據高岡連隴南
面大道禁林上國皇州川原指掌仙門宰樹碑闕相望玄
靈嘉之是安集無此二字是宅嗣子曰用景龍中爵安平縣子

職兵部侍郎夙遭閔凶不承誨誘慎終追遠克家用譽蒙
聖主拔竒賞異絕等超倫三顧赤墀之下一譽青雲之上
祿廩所資吉蠲致美實先集作非人宥十世降百集無祥之

所及也求惟官不達者身不登乎明堂行不夸者名不書

乎史冊則韜光隱德之緒俾後代將何述焉夫銘景鍾稱

茂伐彼大夫之事篆豐石揚令名此孝子之志辭曰

維嶽建國厥生炎皇維師尚父諒彼武王古人言曰必齊
之姜齊之丁公後有崔子因邑命族世濟其美黃鵠倚歌

雕龍擅史倬哉嗣武含章挺生以蒙養正用晦而明混之
不濁人莫能名學以崇道文以慰士集作志垂其雲翼坦然
卑位祿逮吾親榮非我仕於皇集作皇上帝建官惟賢有人
在下胡寧捨旃孰亡輔德曾不永年展矣邦媛冥其家室
友如樂諧皎如月出重壤既兆終天偕畢北陵墳立松檟
千秋金碑石樓祗令人愁東都城郭通洞集作洞纏洛飛橋
連閣金管迭作人世之轉然兮山川之宛然兮德音之緬
然兮

故洛陽尉贈朝散大夫馬府君神道碑

前人

君諱某字某扶風人也其先伯益贊禹中衍御殷集作殿非在
周曰羸在晉曰趙上卿以人歸政將軍以馬服為姓緝熙
手平通重合焜耀乎伏波中水我高祖汾州刺史諱歸歡
我大父鷹揚郎將諱士幹嚴考獲嘉令諱果濟美惟舊

冥德于君君幼而瑰竒長有規操樂道稽古昇堂觀奧伯
父匡武撫之曰亢宗保家吾有望爾悉以先人家謀圖傳
付之入太學舉明經補巴西尉內憂去職君四歲而孤重
集于蓼因心孺慕名教同傷歸次葭萌江隘毀道攀轡號
慟濤為之却蚤人哀之葺棧而濟釋服調襄陽尉主進魚
家絕蠱食州將魯王俾盤二白集作魚時其亡也遺之夫
人以辭君還拜受使復王曰非唯是夫又亦賢婦吾嘗其
一得其二善焉長史盧幼孫悅是獎也舉君清幹有聞授
清城尉未往且有後命為河西營田判官物土穡人藁穀
洋羨皇揆其懋考績登焉程務挺之軍靈夏也咨君運籌
乘遞入幕獲虜數百欲剽罄之君諫曰王者之師將德是
以討叛惟武勢遠在寬博牛之畜不可破虱未擒伏念何
逞纍囚乃止師歸策勲上柱國改溫縣尉永淳阻飢廣提

中外絕甘分少約已周人既喪好逑室無嬖御夫人張氏詹事丞師寂之女也敬事皇妃能佐君子娘有胎教宗如樂諧前誌之美多所闕載絳都夫人王氏則天聖后姑之女子而夫人之母也嘗曰婦則女訓吾女有焉享年不永玄髮徂落先時君之伯姊歸宗夫人推居解寢事之而躬處下室及亡設几筵於正寢惟明靈以女公之故憑巫通夢屢寢爲辭舉家懇啓久而後定嘻生則盡禮死而知讓殆其神不昧乎温秩蒲轉洛陽尉當周之興也版都社澤郊廟粹紛嶽僕明堂京轂回回日不暇給又勅君專惣徒匠凡三百有餘旬蘊勞成疾聃憂損壽永昌元年孟夏辛卯卒官春秋五十有七帝用悼之贈朝散大夫旌淑紀庸禮焉龜玉在山泉而爲國寶必其靈與瑞君子居下位而上達以其名與義夫是之寵有由也哉葭萌之感昭其

孝也陽集作揚非侯息浪異類胥感襄陽之饋識集作熾非其潔也德形於家聲聞于外塞垣之讜植其仁也衆倖賴全將不爲暴重屋之役底其勤也沒而益榮朝不棄力有一於此猶爲令德況備舉乎豈其身將施其後厥子構據擇皆國之良也爲有後之其在是乎徵構職太子僕景龍初宰長安也集無字永惟考襲朱芾已佩葱珩母氏早逝而榮不及乃讓賜階乞封先妣天子憐之制贈夫人清河縣太君人謂長安能報恩矣詩云欲報之德昊天罔極報恩之謂也馬氏之墓世在扶風清河之喪也卜宅於洛陽北集無字南集無字麓後君捐館因窆其所夫人穴於兆之甲大夫窆於域之庚今龍集戊申將返葬故國君執友禮卻侍郎嚴善思諗之曰夫子之逝一終八辰精氣其存親壤集作壤石矣吾嘗相二士集作士從新其愈乎且不戀本道不合葬古

神尚休無或變有夢先君者與其言叶於是祇率嘉話即
安成規堙雙墳溝四塹傍建祠宇前勒豐碑茫茫天地永
懷長畢誰居後之人匪唯是四時蒸薦之事所以觀百代
祖宗之烈其詞曰
昂昂大夫有邈其致合聞膏敏賙窮錫類孝實迴川清能
改位佐邑惟五安人則四多稼穰邊昌言扈帥比義后稷
勤官沒地歛歛天朝毳衣以綏我有令集作德追啓清河
宜家族揉主祭神和親戚光貴劍蓋今歌相從先後樂此
山河

文苑英華卷弟九百三十 己卯六月二十日自參校畢



登仕郎胡 柯 鄉貢進士彭 叔夏 校正

